

四庫全書

經部

欽定四庫全書

春秋左傳注疏卷二十五

起成公元年  
盡二年

晉杜氏注 唐陸德明音義 孔穎達疏

成公音義

陸曰成公名黑肱宣公子諡法安民立政曰成

疏

正義曰魯世家云成公名黑肱

宣公之子穆姜所生以定王十七年即位諡法安民立政曰成釋例曰計公衡之年成公又非穆姜所生不知其母何氏也案宣元年夫人婦姜至自齊即穆姜也至此始十八年耳二年傳稱公衡為質於楚公衡成公子也既堪為質則其年已長成公若是穆姜之子未得有成長之男

經元年春王正月公即位注無傳

二月辛酉葬我君宣公注無傳

無冰注無傳周二月今之十二月而無冰書冬溫疏

正義正

曰襄二十八年春無冰彼春無月則是竟春無冰亦應竟春無冰而書在二月下者以盛寒之月書之也穀梁傳曰終時無冰則志此未終時而言無冰何也終無冰矣加之寒之辭也其意言此月寒最甚此月無冰則終無冰矣杜言今之十二月者見此意也冬而無冰是時之失故書之記冬溫也

三月作丘甲注周禮九夫為井四井為邑四邑為丘

十六井出戎馬一匹牛三頭四丘為甸甸六十四井出

長轂一乘戎馬四匹牛十二頭甲士三人步卒七十二

人此甸所賦今魯使丘出之譏重歛故書音義

甸徒練反一音

繩證反乘繩證反卒尊忽反歛力驗反

疏

正義曰周禮九夫為井四井為邑四邑為丘四丘為甸小司徒

職文也司馬法六尺為步步百為畝畝百為夫夫三為屋屋三為井四井為邑四邑為丘丘有戎馬一匹牛三

頭是曰匹馬丘牛四丘為甸甸六十四井出長轂一乘馬四匹牛十二頭甲士三人步卒七十二人戈楯具謂

之乘馬然則杜之此注多是司馬法文而獨以周禮冠之者以司馬法祖述周禮其所陳者即是周法言此是

周之禮法耳不言周禮有此文也鄭注論語云司馬法成方十里出革車一乘與此不同者鄭注論語云司馬法

十里為成緣邊一里治溝洫實出稅者方八里六十四井案鄭注小司徒又引司馬法云成出革車一乘甲士

十人徒二十人十成為終千井革車十乘甲士百人徒二百人十終為同萬井革車百乘甲士千人徒二千人

與此車一乘甲士三人步卒七十二人不同者小司徒辨畿內都鄙之地域鄭所引士十人徒二十人者謂公卿大夫畿內采地之制此之所謂諸侯邦國出軍之法故不同也古者用兵天子先用六鄉六鄉不足取六遂六遂不足取公卿采邑及諸侯邦國若諸侯出兵先盡三鄉三遂鄉遂不足然後總徵竟內之兵案此一車甲士步卒總七十五人周禮大司馬五人為伍五伍為兩四兩為卒五卒為旅五旅為師五師為軍大致不同者大司馬所云謂鄉遂出軍及臨時對敵布陳用兵之法此甲士三人步卒七十二人謂徵課邦國出兵之時所徵之兵既至臨陳還同鄉遂之法必知臨敵用鄉遂法者以桓五年戰于繻葛先偏後伍又宣十二年廣有一卒卒偏之兩及尚書牧誓云千夫長百夫長是臨時對敵皆用卒兩師旅也長較馬牛甲兵戈楯皆一甸之民同共此物若鄉遂所用車馬甲兵之屬皆國家所共知者以一鄉出一軍則是家出一人其物不可私備故也

此言四丘為甸竝據上地言之若以上中下地相通則二甸共出長穀一乘耳甸即乘也六十四井出車一乘是故以甸為名此一乘甲兵甸之所賦今魯使丘出甸賦乃四倍於常譏其重斂故書之也穀梁傳曰作為也丘為甲也丘甲國之事也丘作甲非正也古者立國家百官具農工皆有職以事上古者有四民有士民有商民有農民有工民丘作甲非正也其意以為四邑為丘使一丘農民皆作甲以農為工失其本業故譏之今左氏經傳竝言作丘甲耳重斂之事傳無明文而知必異穀梁以為丘作甸甲者以傳云為齊難故作丘甲以慮有齊難而多作甲兵知使丘為甸甲而倍作之也士卒馬牛悉倍於常而獨言甲者甲是新作之物其餘斂充之耳非作之也譏其新作故舉甲言之初稅畝言初此不言初者此備齊難暫為之耳非是終用故不言初然則築城備難非時不譏此亦備難而譏之者魯是大國甲兵先多僖公之世頌云公車千乘昭公之蒐傳稱革

車千乘此時亦應然也其甲足以拒敵而又加之重斂故譏之

夏臧孫許及晉侯盟于赤棘注晉地

秋王師敗績于茅戎注茅戎別種也不言戰王者至

尊天下莫之得校故以自敗為文不書敗地而書茅戎

明為茅戎所敗書秋從告音義

茅亡交反史記及二傳皆作貿種章勇反

冬十月

傳元年春晉侯使瑕嘉平戎于王注平文十七年邾

垂之役詹嘉處瑕故謂之瑕嘉音義

邾音審詹之廉反

單襄

公如晉拜成注單襄公王卿士謝晉為平戎音義

單音

善為于偽  
反下文同

劉康公徼戎將遂伐之注康公王季子也

戎平還欲要其無備音義

徼古堯反要一遙反

疏

正義曰宣  
十年經書

王季子來聘傳言劉康公知即王季子也傳言平戎于王戎必遣使詣周受平但康公要戎者非要戎平還之使單使來平不足伐也欲伐其國耳以未平之日設備禦周今既平矣戎必無備要其無備將遂往伐之故下云遂伐茅叔服曰背盟而欺大國此必敗戎起兵伐其國也

注叔服周內史音義

背音佩  
下音同

背盟不祥欺大國不義

神人弗助將何以勝不聽遂伐茅戎三月癸未敗績



于徐吾氏注徐吾氏茅戎之別也疏

正義曰敗于徐吾之地也茅戎

已是戎內之別徐吾又是茅戎之內聚落之名王師與茅戎戰之處

○為齊難故作丘

甲注前年魯乞師於楚欲以伐齊楚師不出故懼而

作丘甲音義

難乃旦反下同

○聞齊將出楚師夏盟于赤棘

注與晉盟懼齊楚○秋王人來告敗注解經所以秋

乃書○冬臧宣叔令修賦繕完注治完城郭音義

繕市

戰反完和端反

具守備音義

守手反

曰齊楚結好我新與晉盟

晉楚爭盟齊師必至雖晉人伐齊楚必救之是齊楚

同我也注同共也音義

好呼報反

知難而有備乃可以逞

注逞解也為二年齊侯伐傳音義

蟹解音

經二年春齊侯伐我北鄙

夏四月丙戌衛孫良夫帥師及齊師戰于新築衛師敗

績注新築衛地皆陳曰戰大崩曰敗績四月無丙戌丙

戌五月一日音義

築音竹陳直覲反

六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子首及齊侯戰于鞌齊師敗

績注魯乞師於晉而不以與謀之例者從盟主之令上行於下非匹敵和成之類例在宣十年曹大夫常不書

而書公子首者首命於國備於禮成為卿故也鞏齊地

音義

僞其驕反注同卻去逆反鞏音安與音預敵如字本或作適音敵

疏

正義曰此云盟主之令故

不從與謀釋例云乞師不得從與謀所以不同者以事得兩通故互言之魯於聘與盟會雖二卿竝行止書一使至於行師用兵則竝書諸將此書四卿昭定之世或書三卿或書二卿皆謂重兵故書之其他國唯書元帥詳內略外也書曹公子首者釋例曰公侯伯子男及卿大夫士命數周官具有等差當春秋時漸以變改是故仲尼丘明據時之宜從而然之不復與周官同也命者其君正爵命之於朝其宮室車旗衣服禮儀各如其命

數皆以卿禮書於經衛之於晉不得比次國則邾莒杞鄆之屬固以微矣此等諸國當時附隨大國不得列於會者甚衆及其得列上不能自通於天子下無暇於備禮成制故與於盟會戰伐甚多唯曹公子首得見經其餘或命而禮儀不備或未加命數故皆不書之是言首成為卿故書

秋七月齊侯使國佐如師已酉及國佐盟于袁婁注穀

梁曰鞏去齊五百里袁婁去齊五十里疏

正義曰齊之四竟不應過

遙且鞏已是齊地未必竟上之邑豈得去齊有五百里乎穀梁又云壹戰縣地五百里則是甚言之耳釋例土地名鞏與袁婁竝闕不知其處遠近無以驗之

八月壬午宋公鮑卒注未同盟而赴以名音義

鮑步反

庚寅衛侯速卒注宣十七年盟于斷道據傳庚寅九月

七日

取汶陽田注晉使齊還魯故書取不以好得故不言歸

音義

汶音問好呼報反

疏

正義曰晉使齊還魯魯不用力故直書取哀八年齊人歸讎及闡此不言

齊人歸者不以好得非齊歸我故不言歸

冬楚師鄭師侵衛注子重不書不親伐疏

正義曰僖二十五年楚人

圍陳注云子玉稱人從告此云子重不書不親伐者彼以路遠或當不以實告此傳言侵衛遂侵我道路既近告當以實經傳皆言楚師例是將卑師衆故以為子重不親伐所以弘通其義也

十有一月公會楚公子嬰齊于蜀注公與大夫會不貶

嬰齊者時有許蔡之名故疏

正義曰傳稱在禮卿不會公侯會公侯則貶之而稱

人翟泉之盟是也此嬰齊會公乃稱公子而不貶者為其會有蔡許之名蔡侯許男與公相敵嬰齊不與公敵故不貶也傳稱孟孫賂楚楚人許平即云十一月公及楚公子嬰齊蔡侯許男秦右大夫說宋華元陳公孫寧衛孫良夫鄭公子去疾及齊國之大夫盟于蜀凡會且盟者必先會而後盟盟時蔡許在列會時必亦在焉以二君乘楚車謂之失位經雖抑而不書會時其身在且二君與楚同行無容不列於會故知二君在會嬰齊不敵公也或以為於時兵將嬰齊為主蔡許為王左右隸屬嬰齊則二君卑於嬰齊何由得與公敵斯不然矣征伐以主兵為先盟會以尊卑為序春秋之常也僖二十七年楚人陳侯蔡侯鄭伯許男圍宋楚既稱人必非

貴者為其主兵猶序於上文十年公會諸侯晉大夫盟于扈傳曰齊侯宋公衛侯陳侯鄭伯許男曹伯會晉趙盾盟于扈於時晉為盟主召諸侯使集會而趙盾猶序於下文不先諸侯則知此時行兵楚為其主會則蔡許在先故二名自敵公明嬰齊不敵公也襄二十六年公會晉人鄭良霄宋人曹人于澶淵傳曰公會晉趙武宋向戌鄭良霄曹人于澶淵趙武不書尊公也於是衛侯會之然則時有衛侯猶貶趙武者於時衛侯雖往晉將執之不得與會而趙武敵公故貶之也彼傳又曰晉人執甯喜北宮遺使女齊以先歸衛侯如晉晉人執之於會已執其卿衛侯如晉晉即執之明其不得與會公無所敵故趙武敵公與此異也

丙申公及楚人秦人宋人陳人衛人鄭人齊人曹人邾人薛人鄆人盟于蜀注齊在鄭下非卿傳曰卿不書匱

盟也然則楚卿於是始與中國準自此以下楚卿不書

皆貶惡也音義

匱其位反疏正義曰諸會盟同地而間無他

者前會之時唯公會楚耳蔡許從楚而行唯應蔡許在  
列秦宋以下諸國未至會盟人別故別序也諸征伐會  
盟實卿而貶稱人者傳皆言其名氏實是大夫而本合  
稱人者則傳皆言大夫此傳鄭公子去疾以上言其名  
氏則皆是卿也齊國之大夫則實是大夫故齊在鄭下  
為非卿故也傳曰卿不書匱盟也謂匱盟之故并貶楚  
卿楚卿於是盟上始與中國相準釋例曰楚之君臣最  
多混錯舊說亦隨文強生善惡之狀混瀆無已其不能  
得辭則皆言惡蠻夷得志然當齊桓之盛而經以屈完  
敵之若必有褒貶非抑楚也此乃楚之初興未闡周之  
典禮告命之書自生同異猶秦之僻陋不與中國準故  
春秋抑秦以存例也楚之熊繹始封於楚辟在荆山華



路藍縷以居俗裔及武王熊通始居江漢之間然未能  
自同於列國故經稱荆敗蔡師荆人來聘從其所居之  
稱而總其君臣至於魯僖始稱楚人而班次在於蔡下  
僖二十一年當楚成王之世能遂其業內列於公侯會  
于孟楚之君爵始與中國列然其臣名氏猶多參錯至  
魯成二年楚公子嬰齊始乃具列傳曰卿不書匱盟也  
兼為楚臣示例也自此以上春秋未以入例自此以下  
褒貶之義可得而論之也杜言兼為楚臣示例者解傳  
言匱盟之意傳言卿不書者非獨言諸侯之  
卿不書兼言楚卿亦不書是兼為楚卿示例

傳二年春齊侯伐我北鄙圍龍注龍魯邑在泰山博

縣西南頃公之嬖人盧蒲就魁門焉注攻龍門也音

義頃音傾嬖必計龍人囚之齊侯曰勿殺吾與而盟

反魁苦回反

無入而封注封竟音義竟音境弗聽殺而搏諸城上注

搏磔也音義搏普各反疏正義曰周禮掌戮掌斬殺

為搏諸城上之搏字之誤也搏謂去衣磔之方言云搏曝也齊侯親鼓士陵城三

日取龍遂南侵及巢丘注取龍侵巢丘不書其義未

聞疏正義曰外取內邑非魯之罪無所可諱而此獨不書故杜云其義未聞賈逵云殺盧蒲就魁不

與齊盟以亡其邑故諱不書耳案楚子滅蒲嬰齊入

莒皆殺楚人而經不變文以加罪此何當改文以諱

惡也哀八年齊人取謹及闡以淫女見取猶尚書

齊伐魯還相遇於衛也良夫孫林父之父石稷石碯

四世孫甯相甯俞子音義

相息亮反向舒亮反  
碯七畧反俞羊朱反

石子

欲還孫子曰不可以師伐人遇其師而還將謂君何

注言無以答君若知不能則如無出今既遇矣不如

戰也夏有注闕文失新築戰事石成子曰師敗矣子

不少須衆懼盡注成子石稷也衛師已敗而孫良夫

復欲戰故成子欲使須救音義

復扶又反

子喪師徒何以

復命皆不對又曰子國卿也隕子辱矣注隕見禽獲

音義

喪息浪反  
隕于敏反

疏

正義曰子者指斥孫子其言竝告諸將言皆不對者孫子與甯相向

禽皆不對又曰子國卿也乃專與孫子言耳

子以衆退我此乃止注我於

此止禦齊師音義

禦魚呂反

且告車來甚衆注新築人救

孫桓子故竝告令軍中齊師乃止次于鞠居注鞠居

衛地音義

鞠居六反

新築人仲叔于奚救孫桓子桓子是

以免注于奚守新築大夫疏

正義曰大夫守邑以邑冠之呼為某人孔子父

鄒邑大夫傳稱鄒人紇論語謂孔子為鄒人之子即此類也

既衛人賞之以邑注

賞于奚辭請曲縣注軒縣也周禮天子樂宮縣四面

諸侯軒縣闕南方音義

縣音玄注同

疏

正義曰周禮小胥正樂縣之位王宮

縣諸侯軒縣大夫判縣士特縣鄭衆云宮縣四面縣軒縣去其一面判縣又去一面特縣又去一面四面象宮室四面有牆故謂之宮縣軒縣三面其形曲故春秋傳曰請曲縣繁纓以朝諸侯之禮也鄭玄云樂縣謂鐘磬之屬縣於筍虞者軒縣去南面辟王也判縣左右之合又空北面特縣縣於東方或於階間而已是先儒皆以闕南方故曲也家語說此事云請曲縣之樂繁纓以朝王肅云軒縣闕一面故謂之曲縣

繁纓以朝許之注繁纓馬飾皆諸侯之服音義

繁步干反

注疏

正義曰周禮巾車掌王之五路玉路繁纓十有再就以祀金路繁纓九就以同姓以封象路繁纓

七就異姓以封蕃國鄭玄云樊讀如鞶帶之鞶謂金馬大

帶也纓金馬鞅也王路金路象路其樊及纓皆以五  
彩屬飾之就成也玉路十二成金路九成象路七成  
革路繁纓以條絲飾之而五成木路以淺黑飾韋為  
樊鵠色飾韋為纓亦五成是言天子諸侯樊纓之飾  
樊即鞶也字之異耳巾車又云孤乘夏篆卿乘夏纓  
大夫乘墨車士乘棧車其飾皆無樊纓是樊纓為馬  
之飾皆諸侯之服也案儀禮既夕士薦馬纓三就又  
諸侯之卿有受革輅木輅之賜皆有繁纓而云諸侯  
之服者以與曲縣相對又于奚所請故云諸侯之服  
且諸侯之卿特賜乃有大輅士喪禮為送葬設盛服  
耳皆非正

法所有 仲尼聞之曰惜也不如多與之邑唯器與

名不可以假人注器車服名爵號君之所司也名以

出信注名位不愆為民所信音義愆起信以守器注

動不失信則車服可保器以藏禮注車服所以表尊卑禮以行義注尊卑有禮各得其宜義以生利注得其宜則利生利以平民政之大節也若以假人與人

政也政亡則國家從之弗可止也已疏

正義曰仲尼在後聞之曰

此曲縣繁纓可惜也不如多與之邑唯車服之器與爵號之名不可以借人也此名號車服是君之所主也名位不愆則為下民所信此名所以出信也動不失信然後車服可保此信所以守車服之器也禮明尊卑之別車服以表尊卑車服之器其中所以藏禮言禮藏於車服之中也義者宜也尊卑各有其禮上下乃得其宜此禮所以行其物宜也物皆得宜則是利生焉此義所以生利益也利益所以成民此乃

政教之大節也。若以名器借人，則是與人政也。政教既亡，則國家從之而亡，不復可救止也。已言利以平民者，平成也。每事有利，所以成就下民，使國益民，皆是利也。此以曲縣繁纓與人，假人器耳。名器俱是，可重故并。

○孫桓子還於新築，不入注，不入國，遂如晉。乞師，臧宣叔亦如晉。乞師，皆主。郤獻子注宣十七年。

郤克至齊為婦人所笑，遂怒。故魯衛因之。孫桓子臧。

宣叔皆不以國命，各自詣。郤克故不書。晉侯許之七。

百乘注五萬二千五百人。音義乘繩證反下同。郤子曰：「此城。」

濮之賦也。注城濮在僖二十八年。音義濮音卜。有先君。



之明與先大夫之肅故捷克於先大夫無能為役注  
無能為之役使請八百乘許之注六萬人郤克將中

軍士燮佐上軍注范文子代荀庚音義

將子反疏正義曰宣

十二年邲之戰傳稱荀林父將中軍先穀佐之士會  
將上軍郤克佐之趙朔將下軍欒書佐之十三年晉  
殺先穀當是士會佐中軍郤克將上軍不知誰代郤  
克佐上軍疑是荀首為之十六年士會將中軍則林  
父卒矣當是郤克佐中軍疑是荀首將上軍荀庚佐  
之十七年士會請老郤克將中軍當是荀首佐中軍  
荀庚將上軍所以知者此年傳稱楚屈巫對莊王云  
知罃之父中行伯之季弟也新佐中軍則荀首於莊  
王之世已佐中軍明士會老後郤克遷而荀首代也  
首於邲戰尚為大夫不應宣之末年得佐中軍故疑

先穀死後代郤克佐上軍也明年荀庚來聘傳稱中行伯之於晉也其位在三則此時荀庚將上軍矣林父卒來已久不應始用荀庚故疑林父卒後荀庚即佐上軍士會老後荀庚轉將上軍故杜以為士燮代荀庚也邲戰以來趙朔無代今欒書將下軍則趙朔卒矣故知欒書代趙朔不如此時誰代欒書佐下軍也

欒書將下軍注代趙朔韓厥為司馬以救魯衛臧

宣叔逆晉師且道之季文子帥師會之及衛地韓獻

子將斬人郤獻子馳將救之至則既斬之矣郤子使

速以徇告其僕曰吾以分謗也注不欲使韓氏獨受

謗音義道音導徇似俊反師從齊師于莘注莘齊地音義莘所

中反 六月壬申師至于靡笄之下注靡笄山名音義 靡笄

如字或又音 齊侯使請戰曰子以君師辱於敝邑不

腆敝賦詰朝請見注詰朝平旦音義 腆他典反詰起

及下朝夕朝食 對曰晉與魯衛兄弟也來告曰大國

朝夕釋憾於敝邑之地注大國謂齊敝邑魯衛自稱

音義 憾胡暗反 寡君不忍使羣臣請於大國無令輿

師淹於君地注輿衆也淹久也音義 令力呈反師如

所類反 能進不能退君無所辱命注言自欲戰不復

須君命音義

復扶  
又反

齊侯曰大夫之許寡人之願也若

其不許亦將見也齊高固入晉師桀石以投人注桀

擔也音義

擔丁  
甘反

禽之而乘其車注既獲其人因釋已

車而載所獲者車繫桑本焉以徇齊壘注將至齊壘

以桑樹繫車而走欲自異音義

壘力  
軌反

曰欲勇者賈余

餘勇注賈賣也言已勇有餘欲賣之音義

賈音古注  
同賣摩懈

反

癸酉師陳于鞌邴夏御齊侯逢丑父為右晉解張

御卻克鄭丘緩為右齊侯曰余姑翦滅此而後朝食

注姑且也翦盡也音義

陳直觀反邛音丙又被命反夏戶雅反解音蟹張如字一

音直亮反

不介馬而馳之注介甲也郤克傷於矢流血及

屢未絕鼓音注中將自執旗鼓故雖傷而擊鼓不息

音義

將子匠反下將在左同疏正義曰以郤克為中軍之將言

自執旗鼓也周禮大僕軍旅田役贊王鼓鄭玄云王通鼓佐擊其餘面上云齊侯親鼓則天子諸侯自將

兵者亦親執旗鼓以令衆

曰余病矣張侯曰自始合而矢貫余手

及肘余折以御左輪朱殷豈敢言病吾子忍之注張

侯解張也朱血色血色久則殷殷音近烟今人謂赤

黑為殷色言血多汙車輪御猶不敢息音義貫古亂反下注

同肘竹九反折之設反殷於閑反徐於辰反注同近附近之近汙汙穢之汙字林一故反緩曰自

始合苟有險余必下推車子豈識之然子病矣注以

其不識已推車音義推昌誰反又他同反注及下推車同張侯曰師之

耳目在吾旗鼓進退從之此車一人殿之可以集事

注殿鎮也集成也音義殿多練反注同若之何其以病注絕

句敗君之大事也疏正義曰郤克云余病矣言已不堪擊鼓欲有退軍之意故責之

云如之何其以身病之故欲喪敗君之大事也攔甲執兵固即死也注攔貫

也即就也音義

擗音患

病未及死吾子勉之左并轡右

援枹而鼓馬逸不能止師從之注晉師從卻克車音

義

并必政反援音爰枹音浮鼓槌也亦作桴

疏

正義曰說文云援引也枹擊鼓杖也援枹而鼓謂引

杖以擊之齊師敗績逐之三周華不注注華不注山名音

義

華如字又戶化反注之住反

韓厥夢子輿謂已曰且辟左右注

子輿韓厥父故中御而從齊侯注居中代御者自非

元帥御者皆在中將在左音義

帥所類反疏正義曰韓厥

軍之諸將也以夢之故乃居中為御明其本不當中先非御者若御不在中又不須云代御以此知自非

元帥其餘軍之諸將皆御者在中將在左

邴夏曰射其御者君子也公曰

謂之君子而射之非禮也注齊侯不知戎禮音義射

亦反下并疏正義曰僖二十二年傳曰雖及胡考獲注皆同則取之明恥教戰求殺敵也宣二年傳

曰戎昭果毅以聽之謂禮殺敵為果致果為毅是戎事以殺敵為禮齊侯謂射君子為非禮者乃是齊

侯不知戎禮也射其左越于車下注越隊也音義隊直類反射其

右斃于車中綦母張喪車從韓厥曰請寓乘注綦母

張晉大夫寓寄也音義綦母音其下音無喪息浪反乘繩證反從左右

皆肘之使立於後注以左右皆死不欲使立其處音



義處昌慮反疏正義曰說文云肘臂節也謂左右為凶處故以肘排退之韓厥俛定其

右注俛俯也右被射仆車中故俯安隱之音義俛音勉仆

音赴又疏正義曰言此者為下丑父與公易位由厥蒲北反之俯故不覺其易蒸母張益助厥定右故

竝不見之逢丑父與公易位注居公處將及華泉驂絰於

木而止注驂馬絰也音義華戶化反絰戶卦反一音卦驂七南反丑父

寢於鞞中注鞞士車音義鞞士產反又士板反字林仕諫反云卧車也疏

正義曰周禮巾車士乘棧車鄭玄云棧車不韋鞞而漆之考工記與人云棧車欲奔鄭玄云為其無韋鞞

不堅易圻壞然則命者謂上狄蛇出於其下以肱擊下閭也鞞與棧字異音義同耳

之傷而匿之故不能推車而及注為韓厥所及丑父

欲為右故匿其傷音義

肱古弘反匿女力反注同

韓厥執繫馬前

注繫馬絆也執之示脩臣僕之職音義

繫張立反絆音半

再

拜稽首奉觴加璧以進注進觴璧亦以示敬音義

式觴

羊疏

正義曰襄二十五年鄭公孫舍之帥師入陳傳曰陳侯免擁社子展執繫而見再拜稽首承飲

而進獻事與此同唯無璧耳蓋古者有此禮彼雖敗績猶是國君故戰勝之將示之以臣禮事之不忍即

加屈辱所以申貴賤之義晉語云靡筭之役卻獻子伐齊齊侯來獻之以得殞命之禮也服虔引司馬法

其有殞命以行禮如會所用儀也若殞命則左結旗司馬授飲右持芑壺左承飲以進杜不引之者蓋彼

此不甚相當故也

曰寡君使羣臣為魯衛請曰無令輿師陷

入君地注本但為二國救請不欲乃過入君地謀辭

音義

為于偽反注同令力呈反

下臣不幸屬當戎行無所逃隱注

屬適也音義

屬音燭注同行下郎反

且懼奔辟而忝兩君臣辱

戎士注若奔辟則為辱晉君并為齊侯羞故言二君

此蓋韓厥自處臣僕謙敬之飾言音義

辟音避注同徐扶臂反服

氏扶赤反

敢告不敏攝官承乏注言欲以已不敏攝承空

乏從君俱還音義

從才用反又如字

丑父使公下如華泉取

飲鄭周父御佐車宛棧為右載齊侯以免注佐車副

車音義

宛紆元反  
茂扶廢反

韓厥獻丑父卻獻子將戮之呼曰

自今無有代其君任患者有一於此將為戮乎卻子

曰人不難以死免其君我戮之不祥赦之以勸事君

者乃免之齊侯免求丑父三入三出注重其代已故

三入晉軍求之音義

呼火故反任音  
壬難乃且反

疏

正義曰劉炫  
以齊侯三入

齊軍又三出齊軍以求丑父每出之時齊之將帥敗而怖懼以帥而退不待齊侯致使齊侯入于狄卒今知不然者以傳文三入在前三出在後若用此說齊侯先在晉軍今入齊軍得以三入在前今齊侯既先

在齊軍欲出求且父應先出後入不應先入後出且  
初時二出容有二入在後之出遂入狄卒有出無入  
何得云三入又以傳文帥帥兩字分明故杜以為齊  
侯每出齊師以帥厲退者每出之文別自為義不計  
上之三出劉君不違

此旨妄規杜失非也每出齊師以帥退入于狄卒注  
齊師大敗皆有退心故齊侯輕出其衆以帥厲退者

遂迸入狄卒狄卒者狄人從晉討齊者音義卒子忽反注及

下同輕遣政反遂補諍反狄卒皆抽戈楯冒之以入于衛師衛師

免之注狄衛畏齊之強故不敢害齊侯皆共免護之

音義楯食準反又音允冒亡報反遂自徐闞入齊侯見保者曰勉

之齊師敗矣注所過城邑皆勉勵其守者音義

守手又反

辟女子注使辟君也齊侯單還故婦人不辟之音義

辟音避注皆同一音扶亦反單音丹

女子曰君免乎曰免矣曰銳司徒

免乎曰免矣注銳司徒主銳兵者音義

銳悅歲反

曰苟君

與吾父免矣可若何注言餘人不可復如何音義

復扶

又反乃奔注走辟君齊侯以為有禮注先問君後問父

故也既而問之辟司徒之妻也注辟司徒主壘辟者

音義

辟音壁必覓反注同徐甫亦反

子之石窳注石窳邑名濟北盧

縣東有地名石窳音義

窳力救反一音力到反

晉師從齊師入

自丘輿擊馬陘注丘輿馬陘皆齊邑音義

陘音刑

齊侯

使賓媚人賂以紀甌玉磬與地注媚人國佐也甌玉

甌皆滅紀所得音義

媚美異反賂音路甌魚輦反徐音彥又音言字林牛健反甌子

孕反又

疏

正義曰經書齊侯使國佐如師故知賓媚人即國佐也杜諧云國佐賓媚人武子三

慈陵反事互見於經傳不知賓媚人是何等名號也鄭衆注考工記云甌無底甌方言云甌自闕而東謂之甌知

甌是甌也下云子得其國寶知甌亦以玉為之傳文玉在甌磬之間明二者皆是玉也莊四年紀侯大去

其國不言齊滅而云滅紀所得者紀侯被俘而去後齊侯收其民人又取其國寶此則與滅無異故為此

解

不可則聽客之所為賓媚人致賂晉人不可曰必

以蕭同叔子為質注同叔蕭君之字齊侯外祖父子

女也難斥言其母故遠言之音義

質徐音致下同難乃旦反

而使

齊之封內盡東其畝注使壘畝東西行音義

盡津忍反壘力

勇反行戶郎反又如字

對曰蕭同叔子非他寡君之母也若以

匹敵則亦晉君之母也吾子布大命於諸侯而曰必

質其母以為信其若王命何注言違王命且是以不

孝令也詩曰孝子不匱永錫爾類注詩大雅言孝心



不乏者又能以孝道長賜其志類若以不孝令於諸

侯其無乃非德類也乎注不以孝德賜同類疏

正義曰蕭

同叔子非他人是寡君之母也若以匹敵言之則亦  
晉君之母也吾子布大命於諸侯而曰必質其諸侯  
之母以為信其若王命何先王之命諸侯也使之孝  
其母親其類今輕慢其母不愛同類即是違王命也  
奈此王命何子今輕齊侯之母亦是輕晉侯之母自  
輕其母即是不孝且告吾諸侯云以母為質是此者  
以不孝之事令諸侯也詩之意言孝子所以行孝不  
為匱乏之道故以孝道長賜女之族類諸侯皆晉侯  
之類晉侯皆以孝德賜同類若以不孝之事號令諸  
侯其無乃非是以孝德賜同類乎責其違孝道也所  
引詩者大雅  
既醉之篇  
先王疆理天下物土之宜而布其利注

疆界也理正也物土之宜播殖之物各從土宜音義

疆居良反

故詩曰我疆我理南東其畝注詩小雅或

注下皆同

南或東從其土宜疏

正義曰此詩小雅信南山之篇

今吾子疆理諸

侯而曰盡東其畝而已唯吾子戎車是利注晉之伐

齊循壘東行易音義

易以豉反

無顧土宜其無乃非先王

之命也乎反先王則不義何以為盟主其晉實有闕

注闕失四王之王也注禹湯文武音義

之王于况反

樹德

而濟同欲焉注樹立也濟成也五伯之霸也注夏伯

昆吾商伯大彭豕韋周伯齊桓晉文音義或曰齊桓

秦穆

楚莊正義曰鄭語云祝融能昭顯天地之光明其

疏

後八姓昆吾為夏伯矣大彭豕韋為商伯論

語云管仲相桓公霸諸侯昭九年傳曰文之伯也豈

能改物是三代有五伯矣伯者長也言為諸侯之長

也鄭玄云天子哀諸侯興故曰霸霸把也言把持王者之政教故其字或作伯或作霸也勤而撫

之以役王命注役事也今吾子求合諸侯以逞無疆

之欲注疆竟也音義竟如字又音境疏正義曰禹湯文武四

於民而成其同欲民有所欲上即同之東敵南敵皆  
順民意五伯之霸諸侯也唯勤勞其功而撫順之以  
奉事王命而已不改王之制度也吾子求合諸侯以  
快其無疆畔之欲止求自快已欲不與民同是違王

霸之

政也 詩曰布政優優百祿是道 注詩頌殷湯布政優

和故百祿來聚道聚也音義

適在由反 徐子由反

子實不優而

棄百祿諸侯何害焉 注言不能為諸侯害 疏

正義曰 詩商頌

言成湯布政優優然而寬故百種福祿於是聚歸之 子實不能優寬而自棄福祿於諸侯何害言不能為 諸侯害也所引詩 者商頌長發之篇 不然 注不見許寡君之命使臣則

有辭矣 曰子以君師辱於敝邑不腆敝賦以犒從者

注戰而曰犒為孫辭音義

使所吏反 犒苦 報反 從才用反 疏 正義曰

勞於外師衆枯槁以酒食勞之謂之犒 師此以師拒 戰非犒勞之義而亦稱犒者言以此師衆往當待之

如以酒食犒之然  
為避順之辭耳

畏君之震師徒撓敗注震動撓曲

也音義

撓乃  
教反

吾子惠徼齊國之福不泯其社稷使繼

舊好唯是先君之敝器土地不敢愛子又不許請收

合餘燼注燼火餘也音義

泯彌忍反好呼報反合  
如字一音闇燼似刃反

背

城借一注欲於城下復借一戰音義

背音佩復  
扶又反

敝邑

之幸亦云從也况其不幸敢不唯命是聽注言完全

之時尚不敢違晉今若不幸則從命疏

正義曰言於  
先完全福幸

之時尚不違晉故言亦云從也  
是指其實事劉炫以為齊人請戰言敝邑脫或有幸戰勝亦云從也虛稱

未然之事乖違文勢上下  
苟異杜氏而規其過非也  
魯衛諫曰齊疾我矣注諫

卻克也其死亡者皆親暱也子若不許讎我必甚唯

子則又何求子得其國寶注謂甌磬音義  
暱女亦反我亦

得地注齊歸所侵而紓於難注齊服則難緩音義  
紓音

紓緩也一音直呂  
反難乃旦反注同  
其榮多矣齊晉亦唯天所授豈必

晉晉人許之對曰羣臣帥賦輿注賦輿猶兵車以為

魯衛請若苟有以藉於口而復於寡君注藉薦復白

也音義  
為子偽反藉  
在夜反注同  
疏正義曰禮承玉之物名為纒  
藉藉是承薦之言故為薦也

復者報命於君故為白也言無物則空口以為報少  
有所得則於口為藉故曰藉口服虔云今河南俗語  
治生求利少有所得  
皆言可用藉手也 君之惠也敢不唯命是聽禽鄭

自師逆公注禽鄭魯大夫歸逆公會晉師秋七月晉

師及齊國佐盟于爰婁使齊人歸我汶陽之田公會

晉師于上鄆注上鄆地闕公會晉師不書史闕音義

鄭覓疏正義曰定八年經書公會晉師于瓦此獨不  
經反疏書故云史闕謂舊史先闕故仲尼修經無之

賜三帥先路三命之服注三帥卻克士燮欒書已嘗

受王先路之賜今改而易新并此車所建所服之物

音義

帥所類反

疏

正義曰周禮典命公之孤四命其

伯之卿大夫士亦如之此三帥皆卿也本國三命侯  
魯賜以三命之服司馬司空與師侯正亞旅皆大夫  
本國一命故皆受一命之服於卿言賜於大夫言受  
互相足也周禮大夫再命此司馬司空等皆是再命  
春秋之時其事已異於周禮故大夫一命注正義曰  
三卿各統一軍故總稱三帥魯君之賜晉臣正可如  
其法所得服改新以與之耳不得特命他臣發初賜  
以此物且彼若先無此物則無由敢受魯賜故杜以  
為此三帥已嘗受王先路之賜今改而易新并此車  
所建之旌旗所著之衣服皆賜之也案釋例先路者  
革路若木路或云先或云次蓋以就數為差其受之  
於王則稱大杜言革路若木路者或用革或用木也  
知受之於王則稱大者鄭子矯叔孫穆子受之於王  
皆稱大是也革木是卿大夫車之尊者故云大路金



路是諸侯車之尊者亦稱大則定四年大路大旂是也玉路天子車之尊者亦稱大故顧命云大路在賓階面是也言所建所服之物者周禮巾車革路建大白以即戎司服云凡兵事韋弁服巾車又云木路建大麾以田司服又云凡田冠弁服然則此車所建或是大白大麾所服或是韋弁冠弁劉炫以為既言先路則是晉君之賜杜云受王先路之賜非其義也今知不然者杜以穆叔子蟬嘗受王路故杜據而言之釋例應云受王大路之賜言先路者順傳先路之文故也劉以為嘗受晉君賜而規杜氏非也

司馬

司空與師侯正亞旅皆受一命之服注晉司馬司空

皆大夫與師主兵車侯正主斥侯亞旅亦大夫也皆

魯侯賜䟽

正義曰司馬司空本是卿官之名但晉之諸卿皆以三軍將佐為號其司馬司空皆

為大夫之官仍有為卿之嫌故云晉司馬司空皆大夫也明他國以為卿晉以為大夫也與師至於亞旅本是大夫官名故又云亦大夫也軍行有此大夫從者司馬主甲兵司空主營壘與師主兵車候正主斥候亞旅次於卿是眾大夫也無專職掌散共軍事故後言之直言受服媯非魯賜故云皆魯侯賜 ○

八月宋文公卒始厚葬用蜃炭益車馬始用殉注燒

蛤為炭以瘞壙多埋車馬用人從葬音義蜃市忍反蛤也炭吐

且反殉似浚反蛤苦答反瘞正義曰晉語云雀入於例反壙若晃反一音曠疏于海為蛤堆入于淮

為蜃月令孟冬雉入大水為蜃鄭玄云大水謂淮也大蛤曰蜃則蜃者蛤之類也周禮掌蜃掌斂互物蜃

物以共闡壙之蜃鄭玄云互物蚌蛤之屬闡猶塞也將井椁先塞下以蜃禦濕也是用蜃以瘞壙也禮檀

弓記曰塗車芻靈自古有之鄭玄曰芻靈束茅為人馬謂之靈者神之類也不解塗車當是用泥為車也傳言益車馬者謂用此塗車茅馬益多於常故云多埋車馬也鄭玄云殺人以衛死者曰殉言殉還其左右也言始用殉則自此以後宋君葬常用殉故謂此為始也劉炫以為用蜃炭者用蜃復用炭知不然者杜以傳用蜃炭共文故知燒蛤為炭又且炭亦灰之類雖灰亦得稱炭劉君以為用蜃復用炭而規杜氏非也

**重器備**

注重猶多也

**音義**

重直恭反注同

**疏**

正義曰重謂重疊故猶多

多為皿器也言器備者士喪禮下篇陳明器云用器弓矢耒耜敦杆槃匜役器甲冑干笮燕器杖笠翼其器有共用之器有備祭之器故言器備

**椁有四阿棺有翰檜注四阿四**

注椁也翰旁飾檜上飾皆王禮音義

椁音郭翰戶旦反一音韓檜古

外反徐疏正義曰周禮匠人云殷人四阿重屋鄭玄云阿棟也四角設棟也是為四注擲也士喪禮下篇陳明器云抗木橫三縮二謂於椁之上設此木從二橫三以禦土則士之椁上平也今此椁上四注而下則其上方而尖也禮天子擲題湊諸侯不題湊不題湊則無四阿釋詁云擲翰榦也舍人曰榦正也築牆所立兩木也翰所以當牆兩邊障土者也翰在牆之旁則知此翰亦在旁也詩云會弁如星鄭玄云會謂弁之縫中言其際會之處也會在弁之上知此檜亦在上棺有此物明是其飾故以為旁飾上飾也言椁有棺有則是本不當有言其厚葬識其奢侈宋公所僭必僭天子明此四阿翰檜皆是王之禮也蜃炭言用亦本不當用其蜃炭蓋亦王之禮也車馬器備法得有之言益言重但譏其多耳殉則本不得然非  
**君子謂華元樂舉於是乎不臣臣治煩去惑**  
譏其僭

者也是以伏死而爭今二子者君生則縱其惑注謂

文十八年殺母弟須音義

去起呂反下去之同爭爭鬪之爭

死又益

其侈是棄君於惡也何臣之為注若言何用為臣音

義

侈昌氏反又式氏反

疏

正義曰言何用為臣是成臣也言雖有若無劉君還以為不成臣與杜

義無別而規杜氏非也

○九月衛穆公卒晉三子自役弔焉哭

於大門之外注師還過衛故因弔之未復命故不敢

成禮音義

過古禾反人古臥反

衛人逆之注逆於門外設喪位

婦人哭於門內注喪位婦人哭於堂賓在門外故移

在門內送亦如之遂常以葬注至葬行此禮疏

正義曰哭

於大門之外謂大門外之西東面衛人逆之謂大門外之東西面各從賓主之位婦人哭於門內謂門內之西東面以堂上在西東面故也至於三子之去衛人送之其位亦如之自此有鄰國弔者常行此禮而至於葬沈氏云雜記弔者即位于門西東面主孤西面相者受命曰孤某使請事客曰寡君使某如何不淑相者入告出曰孤某須矣弔者入主人升堂西面弔者升自西階東面致命此臣奉君命行弔之禮今三子師行經衛竟不敢成禮故於大門之外注正義曰喪大記云君之喪夫人坐于西方內命婦姊妹子姓立于西方外命婦率外宗哭于堂上北面又曰婦人迎客送客不下堂是喪位婦人哭於堂

楚之討陳夏氏也注在宣十二年音義

夏戶雅反下同莊王

欲納夏姬申公巫臣曰不可君召諸侯以討罪也今  
納夏姬貪其色也貪色為淫淫為大罰周書曰明德  
慎罰注周書康誥文王所以造周也明德務崇之之

謂也慎罰務去之之謂也疏

正義曰周書康誥之篇  
周公述文王之事以告

康叔云惟乃丕顯考文王克明德慎罰巫臣既引其  
言乃申其意言文王能為此行故所以造周國也務  
崇之謂務欲崇益道德務  
去之謂務欲去其刑罰若興諸侯以取大罰非慎

之也君其圖之王乃止子反欲取之巫臣曰是不祥  
人也是天子蠻注子蠻鄭靈公夏姬之兄殺死無後

音義

殺申志反下文殺靈侯同

殺御叔注御叔夏姬之夫亦早死

音義

御魚據反疏正義曰子蠻御叔自以短命死耳似天鍾美於是致使物無兩大故以二事為

夏姬之罪

弑靈侯注陳靈公也戮夏南注夏姬子徵舒出

孔儀注孔寧儀行父喪陳國注楚滅陳音義

喪息浪反下注

而喪同

何不祥如是人生實難其有不獲死乎注言死

易得無取夏姬以速之音義

易以豉反

天下多美婦人何

必是子反乃止王以予連尹襄老襄老死於邲不獲

其尸注邲戰在宣十二年其子黑要烝焉注黑要襄



老子音義

要一選反  
燕之承反

巫臣使道焉曰歸吾聘女注道

夏姬使歸鄭音義

道音導注同聘女  
匹政反下音汝

疏

正義曰禮記  
內則云聘則

為妻奔則為妾道之云女歸  
鄭國吾依禮聘女以為妻也

又使自鄭召之曰尸可

得也注襄老尸必來逆之姬以告王王問諸屈巫注

屈巫巫臣音義

屈居  
勿反

對曰其信知螢之父成公之嬖

也而中行伯之季弟也注知螢父荀首也中行伯荀

林父也邲之戰楚人囚知螢音義

知螢音智  
下於耕反

新佐中

軍而善鄭皇戌甚愛此子注愛知螢也其必因鄭而

歸王子與襄老之尸以求之注王子楚公子穀臣也

邲之戰以荀首囚也鄭人懼於邲之役而欲求媚於

晉其必許之王遣夏姬歸將行謂送者曰不得尸吾

不反矣巫臣聘諸鄭鄭伯許之注聘夏姬及共王即

位將為陽橋之役注楚伐魯至陽橋在此年冬音義

共音使屈巫聘于齊且告師期巫臣盡室以行注室

家盡去申叔跪從其父將適郢遇之注叔跪申叔時

之子音義跪其委反又居委反從才曰異哉夫子有

用反郢以井反又以政反

三軍之懼而又有桑中之喜宜將竊妻以逃者也注

桑中衛風淫奔之詩及鄭使介反幣而以夏姬行注

介副也幣聘物音義介音界將奔齊齊師新敗曰吾不

處不勝之國遂奔晉而因郤至注至郤克族子疏正義

曰世本郤豹生冀芮芮生缺缺生克又云豹生義義生步楊楊生蒲城鵠居居生至如世本克是豹之曾

孫至是豹之玄孫於以臣於晉晉人使為邢大夫注

邢晉邑音義邢音刑子反請以重幣錮之注禁錮勿令

仕音義錮音固令疏正義曰說文云錮鑄塞也鐵器穿穴者鑄鐵以塞之使不漏禁

人使不得仕官者其事亦似之故謂之禁錮今世猶然

王曰止其自為謀也則

過矣其為吾先君謀也則忠忠社稷之固也所蓋多

矣注蓋覆也音義

自為于偽反又如字為吾于偽反

且彼若能利國

家雖重幣晉將可乎注言不許若無益於晉晉將棄之何勞錮焉注為七年楚滅巫臣族晉南通吳張本

○晉師歸范文子後入武子曰無為吾望爾也乎注

武子士會文子之父對曰師有功國人喜以逆之先入必屬耳目焉是代帥受名也故不敢武子曰吾知

免矣注知其不益已禍音義

屬章欲反後同帥所類反下注稱帥軍帥將帥

同吾知一本無知字

郤伯見公曰子之力也夫對曰君之訓也

二三子之力也臣何力之有焉注郤伯郤克音義

見賢

遍反下同夫音扶

范叔見勞之如郤伯對曰庚所命也克之

制也變何力之有焉注荀庚將上軍時不出范文子

上軍佐代行故稱帥以讓音義

勞力報反將子匠反下同

欒伯見

公亦如之對曰變之詔也士用命也書何力之有焉

注詔告也欒書下軍帥故雖功上軍傳言晉將帥克

讓所以能勝齊○宣公使求好于楚莊王卒宣公薨

不克作好注在宣十八年音義好呼報反下同公即位受盟

于晉注元年盟赤棘會晉伐齊衛人不行使于楚注

不聘楚音義使音所史反而亦受盟于晉從於伐齊故楚

令尹子重為陽橋之役以救齊將起師子重曰君弱

注傳曰寡人生十年而喪先君共王即位至是二年

蓋年十二三矣羣臣不如先大夫師衆而後可詩曰

濟濟多士文王以寧注詩大雅言文王以衆士安音

義

濟子禮反

夫文王猶用衆况吾儕乎注儕等音義

儕仕皆反

且先君莊王屬之曰無德以及遠方莫如惠恤其民

而善其用之乃大戶注閱民戶口音義

閱音悅

已責注

棄逋責音義

逋補吾反

逮鰥注施及老鰥音義

鰥古頑反施始豉反

救乏赦罪悉師王卒盡行彭名御戎蔡景公為左許

靈公為右注王卒盡行故王戎車亦行雖無楚王令

二君當左右之位音義

卒子忽反注同令力呈反

疏

正義曰諸言御戎皆御君

之戎車此云彭名御戎知王戎車亦行也若君親在軍則君當車中御者在左勇力之士在右故御戎戎

右常連言之此王車雖行王身不在故不立戎右使御者在中令蔡許二君居王車上當左右之位若夾衛王然下注云乘楚王車為二君弱皆強冠之冬楚左右是二君皆在車之上也

師侵衛遂侵我師于蜀注公賂之而退故不書侵音

義強其丈反 冠古亂反使臧孫往注臧孫宣叔也辭曰楚遠而

久固將退矣無功而受名臣不敢注不敢虛受退楚

名楚侵及陽橋注陽橋魯地孟孫請往賂之注楚侵

遂深故孟孫請以賂往孟孫獻子也以執斲執鍼織

紵注執斲匠人執鍼女工織紵織繒布者音義斲竹反



鍼之林反衽女  
金反徐而鳩反

皆百人公衡為質注公衡成公子音

義

質音致

以請盟楚人許平十一月公及楚公子嬰齊

蔡侯許男秦右大夫說宋華元陳公孫寧衛孫良夫

鄭公子去疾及齊國之大夫盟于蜀注齊大夫不書

其名非卿也音義

說音悅去  
起呂反

疏

正義曰諸大夫盟會  
經貶之稱人或總言

大夫若實是國卿本合書名者傳即顯其名氏若本  
是大夫不合書名者傳直言其大夫見其貶與不貶  
俱當稱人故不復言其名氏此傳言齊國之大夫傳  
不顯其名為非卿故也襄十六年澳梁之會經書戊  
寅大夫盟傳云於是叔孫豹晉荀偃宋向戌衛甯殖  
鄭公孫夔小邾之大夫盟於時會上鄭之下有曹莒

邾薛杞而小邾之大夫最處其下舉小邾而上包之  
此盟鄭人之下有齊曹邾薛鄆俱是大夫齊最在上  
舉齊而下總之止為齊若是卿則  
合言名氏此會非卿故舉齊也 卿不書匱盟也於

是乎畏晉而竊與楚盟故曰匱盟注匱乏也疏 正義曰私

竊為盟盟終不固此盟是匱乏之道也傳既言匱盟  
以解經又自解名曰匱盟之意於是乎畏晉而竊與  
楚盟故曰此是匱乏之盟也諸侯之卿竊與楚盟而  
仲尼貶之言其不應背晉故責之也責諸侯之背晉  
是成晉為盟主也哀十二年公會吳於橐皋吳子請  
盟公不欲使子貢辭之而私與衛侯宋皇瑗盟彼畏  
吳而竊相與盟不貶者不與吳為盟主言其私盟可  
許但魯自畏吳不書其盟其情無可責也釋例曰諸  
侯畏晉而竊與楚盟書盟而貶其卿此所以成晉為  
盟主也吳之疆大始於會鄆終於黃池凡三會三伐

三盟惟書會伐而不書盟者吳以盟主自居而行其  
夷禮禮儀不典則盟神不蠲非所以結信義昭明德  
故不錄其盟不與其成為盟主也既不與吳之為盟  
主則宋魯衛三國私盟可許故無貶文是也若然僖  
二十一年公會諸侯盟于薄二十七年公會諸侯盟  
于宋彼二者皆顯與楚盟並無貶責此竊與楚盟而  
貶之者當僖公之時齊桓既卒晉文未興中國無伯  
惟疆是與雖遠共楚盟無所可責此時晉為盟主堪  
率諸侯私竊為盟心實畏晉故貶之耳然諸侯之卿  
畏晉容可貶之楚之疆盛恒與晉敵非是畏晉卿亦  
貶者楚既疆盛應顯然作盟今私竊受盟不敢  
宣露亦是畏晉之義且成晉為伯事須貶楚

蔡侯

許男不書乘楚車也謂之失位注乘楚王車為左右

則失位也卿不書則稱人諸侯不書皆不見經君臣

之別音義

見賢通反  
別彼列反

疏

正義曰小國之從大國其征伐也皆自乘其車自率其軍

至戰陳之時與同出力耳此二君棄己之車乘楚之乘乃為楚王左右則是失位既失其位非復國君故侵與盟會竝皆不序經書楚師鄭師侵衛於時蔡許在矣公會楚公子嬰齊于蜀蔡許亦在也及盟又蔡許之君在焉侵也會也盟也三事竝失其位經悉不書故傳於盟下釋之明上侵衛會蜀皆失位也舊說諸侯之貶亦書為人杜意謂諸侯之貶不至於人故因此而又明之卿不書則稱人諸侯不書則全不見經此是君臣之別明貶諸侯無稱人之法也

君子曰位其不可不慎也乎

蔡許之君一失其位不得列於諸侯况其下乎詩曰

不解于位民之攸墜注詩大雅言在上者勤正其位

則國安而民息也攸所也暨息也音義

解佳賈反  
暨許器反

疏

正義曰此大  
雅假樂之篇

其是之謂矣○楚師及宋公衡逃歸臧

宣叔曰衡父不忍數年之不宴注宴樂也音義

數所  
主反

樂音  
洛

以棄魯國國將若之何誰居後之人必有任是

夫國棄矣注居辭也言後人必有當此患音義

居音  
基任

音壬夫  
音扶

是行也晉辟楚畏其衆也君子曰衆之不可

已也大夫為政猶以衆克况明君而善用其衆乎大

誓所謂商兆民離周十人同者衆也注大誓周書萬

億曰兆民離則弱合則成衆言殷以散亡周以衆興

疏

正義曰泰誓云受有億兆夷人離心離德予有亂臣十人同心同德此言大誓所謂者引其意非本

文也

○晉侯使鞏朔獻齊捷于周王弗見使單襄公辭

焉曰蠻夷戎狄不式王命注式用也音義

捷在妾反

淫酒

毀常王命伐之則有獻捷王親受而勞之所以懲不

敬勸有功也兄弟甥舅侵敗王略注兄弟同姓國甥

舅異姓國略經略法度音義

酒面善反勞力報反敗必邁反

王命伐

之告事而已不獻其功所以敬親暱注告伐事而不

獻囚俘音義

乙 腫女反

禁淫慝也注淫慝謂醜掠百姓取

囚俘也音義

慝他得反醜本又作暴薄叛反掠音亮

今叔父克遂有功

于齊注克能也而不使命卿鎮撫王室所使來撫余

一人而鞏伯實來未有職司於王室注鞏朔上軍大

夫非命卿名位不達於王室又奸先王之禮注謂獻

齊捷音義

奸音干

余雖欲於鞏伯注欲受其獻其敢廢

舊典以忝叔父夫齊甥舅之國也而大師之後也注

齊世與周昏故曰甥舅音義

大音泰

寧不亦淫從其欲

以怒叔父抑豈不可諫誨士莊伯不能對注莊伯鞏

朔音義

從才用反本亦作縱

王使委於三吏注委屬也三吏三

公也音義

三公者天子之吏也

疏

正義曰曲禮云五官之長曰伯其擯於天子也曰天子之

吏鄭玄云謂三公也是三公也禮之如侯伯克敵使大夫

告慶之禮降於卿禮一等王以鞏伯宴而私賄之使相告之曰非禮也勿籍注相相禮者籍書也王畏晉

故私宴賄以慰鞏朔音義

相息亮反注同


疏

正義曰如侯伯克敵使大夫告

慶之禮則不得依獻捷之禮其獻捷之禮王待之必重於告慶之禮鞏晉之上軍大夫也縱使得如獻



提之禮亦當降卿禮一等傳言降於卿禮一等以見王待鞏朔不失常也



春秋左傳注疏卷二十五

春秋左氏傳注疏卷二十五考證

作丘甲注此甸所賦今魯使丘出之○孫覺曰如杜說  
以為甸出甲士三人而使丘出之也夫一甸之地兼  
有四丘而使丘出甸賦丘豈能供之哉亦不能頓取  
于民如此之暴也蓋古者一甸之地兼有四丘而出  
長轂一乘甲士三人步卒七十二人成公始作丘甲  
則是丘出一甲而甸出甲士四人也往者三人而今  
增其一丘出一人焉故曰作丘甲也又按萬斯大學

春秋隨筆曰作丘甲增甲士也而步卒如故魯畏齊強車增一甲皆為四乘因使一丘出一甲其步卒之增則在襄十一年作三軍時也

傅士變佐上軍○

臣召南

按以傳及疏證之則士變佐

上軍也監本別本作將上軍者非今改正

傅且父使公下如華泉取飲○林堯叟曰時且父代為齊侯故詐使公下車往華泉取水而飲欲使公因而

走逸

臣召南

按華泉華不注山泉水也

傳五伯之霸也注夏伯昆吾商伯大彭豕韋周伯齊桓  
晉文○趙汭補注曰傳以五伯對四王則通三代霸  
者言之是也宋襄秦穆不成霸楚莊吞噬中國豈有  
所謂勤而撫之以役王命之事顧炎武日知錄曰詩  
正義引服虔說與此同應邵風俗通亦主此說

傳使齊人歸我汶陽之田○林堯叟曰汶陽之田本魯  
地為齊所侵故晉使齊歸之於我臣召南按汶陽之  
田魯僖所以賞季友是季氏私田也故是役行父力

主之

傳公衡為質注公衡成公子○

臣召南

按公衡恐是宣

公子成公弟以成公之年計之不應以稚子為質也

傳而不使命卿鎮撫王室○

臣浩

按晉之命卿當是三

軍將佐据此則當時列國之卿雖擅自廢置尚猶稟

于王室假其爵命如士會之將中軍為太傅且必請

王命以黻冕也杜前注三帥已嘗受王先路之賜知

非臆度

傳使相告之曰非禮也勿籍○林堯叟曰言此宴賄皆  
非禮之正也勿書此以為禮典臣召南按此說恐未  
全言獻齊捷及使大夫皆非禮也勿書此于冊以見  
待晉獨優

春秋左氏傳注疏卷二十五考證

欽定四庫全書

經部  
春秋左傳注疏卷二十六

詳校官監察御史臣王爾烈

給事中臣溫常綬覆勘

覆校官中書臣汪日章

校對官中書臣馮培

謄錄監生臣周丕



欽定四庫全書

春秋左傳注疏卷三十六起成公三年盡十年

晉杜氏注 唐陸德明音義 孔穎達疏

經三年春王正月公會晉侯宋公衛侯曹伯伐鄭注宋

衛未葬而稱爵以接鄰國非禮也疏 正義曰僖九年傳

而襄公會諸侯故曰子凡在喪公侯曰子傳因未葬而

發在喪之例是先君未葬嗣君不得稱爵以會諸侯也

知非踰年得成君者文八年八月天王崩九年春毛伯

來求金傳曰不書王命未葬也彼王既踰年矣猶不得

稱王命臣知諸侯雖則踰年但是未葬不得稱

爵以接鄰國正以王不命臣明知其非禮也

辛亥葬衛穆公注無傳

二月公至自伐鄭注無傳

甲子新宮災三日哭注無傳三年喪畢宣公神主新入

廟故謂之新宮書三日哭善得禮宗廟親之神靈所馮

居而過災故哀而哭之音義

馮皮水反疏正義曰公羊傳曰

宮也宣宮則曷為謂之新宮不忍言也其言三日哭何

廟災三日哭禮也穀梁傳曰新宮者禰宮也三日哭哀

也其哀禮也迫近不敢稱謚恭也二傳皆以新宮為宣

宮三日哭為得禮故杜依用之宣公以其十八年冬十

月薨至二年十月而大祥祥而禘祭神主始入廟故謂

之新宮禮檀弓記曰有焚其先人之室則三日哭故曰

新宮火亦三日哭鄭玄曰謂人燒其宗廟新宮火人火也記稱新宮火者指此新宮災耳傳例曰天火曰災人火曰火三家經傳有火字皆為災鄭玄以為人火雖非其義要天火人火其哭皆當三日是其善得禮也哀三年桓宮僖宮災不言哭而此言三日哭者釋例曰新宮者宣公之廟父廟也諒闇始闋而遇天災故感而哭之以致哀異於餘廟也

乙亥葬宋文公注無傳七月而葬緩

夏公如晉

鄭公子去疾帥師伐許

公至自晉注無傳

秋叔孫僑如帥師圍棘注棘汶陽田之邑在濟北蛇丘

縣音義

蛇以支反  
一音如字

大雩注無傳以過時書

晉卻克衛孫良夫伐廡咎如注赤狄別種音義廡在良

刀反種  
章勇反

冬十有一月晉侯使荀庚來聘

衛侯使孫良夫來聘

丙午及荀庚盟疏

正義曰隱元年及宋人盟于宿魯之微者及之也此言及荀庚盟及孫良

夫盟十一年及郤犇盟皆是公自及之非臣及之也知者僖二十八年傳晉欒枝入盟鄭伯襄十一年傳晉趙武入盟鄭伯鄭子展出盟晉侯臣對君者皆君自與盟知此使來亦公自與盟也上言來聘盟又不地盟於國都公親可知

故不言公 丁未及孫良夫盟注先晉後衛尊霸主○

鄭伐許注無傳不書將帥告辭略音義將子匠反反疏正義帥所類反曰直舉國名傳無其說知是告辭略故史異文耳賈逵云鄭小國與大國爭諸侯仍伐許不稱將帥夷狄之刺無知也此年夏鄭公子去疾帥師伐許明年冬鄭伯伐許先後並無貶責何獨此伐偏刺之

傳三年春諸侯伐鄭次于伯牛討邲之役也注伯牛

鄭地邲役在宣十二年遂東侵鄭注晉潛軍深入鄭

公子偃帥師禦之注偃穆公子使東鄙覆諸鄆注覆

伏兵也音義

覆扶又反注同鄆亡袁反又莫干反徐武旦反一音萬

敗諸丘與

注鄆丘與皆鄭地晉偏軍為鄭所敗故不書皇成如

楚獻捷○夏公如晉拜汶陽之田注前年晉使齊歸

魯汶陽田故○許恃楚而不事鄭鄭子良伐許○晉

人歸楚公子穀臣與連尹襄老之尸于楚以求知罃

注邲之戰楚獲知罃於是荀首佐中軍矣注荀首知

罃父故楚人許之王送知罃曰子其怨我乎對曰二

國治戎臣不才不勝其任以為俘馘執事不以釁鼓

注以血塗鼓為釁鼓音義

勝音升下注同俘芳夫反馘古獲反釁許覲反疏

正義曰說文釁血祭也禮雜記釁廟之禮云雍人舉羊升屋自中上屋南面封羊血流于前及降釁廟以血塗廟知釁鼓以血塗鼓也使歸即戮君之惠也臣實不才又誰

敢怨王曰然則德我乎疏

正義曰德加於彼彼荷其恩故謂荷恩為德論語以

德報德德傳稱王德狄人皆是也

對曰二國圖其社稷而求紓其民注

紓緩也音義

紓音舒

各懲其忿以相宥也注宥赦也音

義懲直升反宥音又

兩釋釁囚以成其好注釁繫也音義釁力

誰反好呼  
報反下同

二國有好臣不與其誰敢德注言二國

本不為己音義

與音預為  
于偽反

王曰子歸何以報我對曰

臣不任受怨君亦不任受德無怨無德不知所報王

曰雖然必告不穀對曰以君之靈累臣得歸骨於晉

寡君之以為戮死且不朽注戮其不勝任音義

任音  
壬下

亦不疏

正義曰懷荷君恩身雖死而朽腐此恩不  
朽腐也死尚不朽以示其至死不忘也

若

從君之惠而免之以賜君之外臣首注稱於異國君

曰外臣首其請於寡君而以戮於宗亦死且不朽若



不獲命注君不許戮而使嗣宗職注嗣其祖宗之位

職次及於事而帥偏師以脩封疆雖遇執事注遇楚

將帥音義

疆居良反將子亮反帥所類反

其弗敢違注違辟也其竭

力致死無有二心以盡臣禮所以報也王曰晉未可

與爭重為之禮而歸之○秋叔孫僑如圍棘取汶陽

之田棘不服故圍之注僑如叔孫得臣子○晉郤克

衛孫良夫伐廆咎如討赤狄之餘焉注宣十五年晉

滅赤狄潞氏其餘民散入廆咎如故討之疏

正義曰謂赤狄

餘民散入咎如之內今伐咎如者來就咎如之內討  
彼赤狄餘黨然唐咎如容赤狄餘民則咎如亦赤狄  
矣劉炫以為唐咎如之國即是赤狄之餘今知不然  
者以赤狄之國種類極多潞氏甲氏鐸辰皋落氏等  
皆是其類並為建國假令潞氏甲氏鐸辰皋落雖滅  
自外猶存則是不滅者多止應言討赤狄之類不得  
稱餘且伐者聲其鐘鼓討者責其罪狀以唐咎如容  
受赤狄餘黨故伐而討責若以唐咎如即是赤狄之  
餘應取土地與兵絕滅何當唯伐討而已  
劉以唐咎如即是赤狄之餘而規杜非也  
唐咎如潰

上失民也注此傳釋經之文而經無唐咎如潰蓋經

闕此四字音義

潰戶疏正義曰傳言上失民也釋經

解故疑經闕此四字釋例曰傳文唐咎如潰上失民  
也今經但言伐唐咎如無唐咎如潰之文若經本無

此文則丘明為橫益經文而加失民之傳也是言知  
經闕之意也三年潰逃已有例矣復發傳者嫌夷狄  
異於中國○冬十一月晉侯使荀庚來聘且尋盟注  
故重發也

尋元年赤棘盟荀庚林父之子衛侯使孫良夫來聘  
且尋盟注尋宣七年盟公問諸臧宣叔曰中行伯之

於晉也其位在三注下卿疏

正義曰於時卻克將中  
軍荀首佐之荀庚將上

軍是其位在三也注云下卿者傳稱小國之上卿當  
大國之下卿又言衛在晉不得為次國則以衛為小  
國荀庚若是中卿自然當先晉矣乃云晉為盟主其  
將先之直以盟主先晉明是二人位等以此知荀庚  
是下卿也晉立三軍將佐有六第三猶為下卿則其  
餘皆下卿也蓋以諸侯之禮唯合三卿三是其正故

定以三人為上中下餘皆從下卿也卿有上下往年  
賜晉三帥皆以三命之服者侯伯之卿禮皆三命上  
卿下卿命

不異也

孫子之於衛也位為上卿將誰先對曰次

國之上卿當大國之中中當其下下當其上大夫注  
降一等小國之上卿當大國之下卿中當其上大夫  
下當其下大夫注降大國二等上下如是古之制也

注古制公為大國侯伯為次國子男為小國衛在晉  
不得為次國注春秋時以強弱為大小故衛雖侯爵

猶為小國疏

正義曰古制公為大國侯伯為次國子  
男為小國以土地之大小命數為等差

也春秋之世疆陵弱大吞小爵雖不能自改地則以力升降諸侯聚會疆者為雄史書時事大小為序此事不可改易仲尼即用之宋公在齊侯之下許男在曹伯之上不復計爵之尊卑故衛雖侯爵猶為小國以地狹小故也襄二十五年傳子產語晉曰今大國多數圻矣圻方千里是晉有方千里者三四也昭五年十三年傳皆言晉有革車四千乘計衛比於晉不過當五六分之一耳故不得為次國其為次國者當齊

秦乎晉為盟主其將先之注計等則二人位敵以盟主故先晉丙午盟晉丁未盟衛禮也○十二月甲戌

晉作六軍注為六軍僭王也萬二千五百人為軍音

義僭子

念反

韓厥趙括鞏朔韓穿荀騅趙旃皆為卿賞鞏

之功也注韓厥為新中軍趙括佐之鞏朔為新上軍

韓穿佐之荀騅為新下軍趙旃佐之晉舊自有三軍

今增此故為六軍音義

騅音佳 疏

正義曰杜知韓厥為新中軍及上下新軍

將佐者以下六年傳云韓厥將新中軍且為僕大夫時晉更增置新中上下三軍韓厥將新中軍名居其

首故杜依名配其將佐

○齊侯朝于晉將授玉注行朝禮疏正義

曰玉謂所執之圭也凡諸侯相朝升堂授玉於兩楹之間於此時卻克趨進故記之也史記齊世家曰頃

公十一年晉初置六軍頃公朝晉欲尊王晉景公景公不敢當晉世家云景公十二年齊頃公如晉欲上

尊景公為王景公讓不敢然此時天子雖弱諸侯並盛晉文不敢請隧楚莊不敢問鼎又齊弱於晉所較

不多豈為一戰而勝便即以王相許準時度勢理必不然竊原馬遷之意所以有此說者當讀此傳將授玉以為將授王遂

飾成為此謬辭耳

郤克趨進曰此行也君為婦人之

笑辱也寡君未之敢任注言齊侯之來以謝婦人之

笑非為脩好故云晉君不任當此惠音義

君為于偽反下為兩

君同任音壬

晉侯享齊侯齊侯視韓厥韓厥曰君知厥也

乎齊侯曰服改矣注戎朝異服也言服改明識其人

疏

正義曰周禮司服凡兵事章弁服禮玉藻記云諸侯皮弁以聽朔朝服以日視朝聘禮賓皮弁聘公

皮弁迎賓迎聘賓尚以皮弁迎朝賓必皮弁矣在朝君臣同服公當皮弁則韓厥於時亦皮弁也鄭玄云

韋弁以韎韁為弁又以為衣裳春秋傳曰晉郤至衣韎韁之附注是也皮弁之服十五升白布衣素積以為裳是戎朝異服也韓厥登舉爵曰臣之不敢愛死為兩君之

在此堂也○荀瑩之在楚也鄭賈人有將寘諸褚中以出既謀之未行而楚人歸之賈人如晉荀瑩善視之如實出已賈人曰吾無其功敢有其實乎吾小人不可以厚誣君子遂適齊注傳言知瑩之賢音義賈音

古下同寘之鼓反褚中呂反

經四年春宋公使華元來聘



三月壬申鄭伯堅卒注無傳二年大夫盟于蜀壬申二

月二十八日

杞伯來朝

夏四月甲寅臧孫許卒注無傳

公如晉

葬鄭襄公注無傳

秋公至自晉

冬城鄆注無傳公欲叛晉故城而為備音義

鄆音 運 疏 正 義

曰釋例土地名魯有二鄆文十二年城諸及鄆杜云此東鄆莒魯所爭者城陽姑幕縣南有員亭或曰鄆即員也成十六年傳晉人執季文子公待于鄆杜云此西鄆昭公所出居者東郡廩丘縣東有鄆城然則此為公欲叛晉故城鄆以為備當西鄆也

### 鄭伯伐許

傳四年春宋華元來聘通嗣君也注宋共公即位音

義

共音恭 疏

正義曰文元年公孫敖如齊傳曰始聘為禮也凡君即位卿出並聘踐脩舊好要結

外援好事鄰國以衛社稷忠信卑讓之道也其事與此一也謂君初即位聘鄰國耳在魯而出謂之始聘自外而來謂之通嗣君言彼君嗣位以來未與魯通於此始通之也

○杞伯來朝歸叔

姬故也注將出叔姬先脩禮朝魯言其故○夏公如  
晉晉侯見公不敬季文子曰晉侯必不免注言將不  
能壽終也後十年陷廁而死詩曰敬之敬之天惟顯  
思命不易哉注詩頌言天道顯明受其命甚難不可  
不敬以奉之音義易以夫晉侯之命在諸侯矣可不  
敬乎注敬諸侯則得天命○秋公至自晉欲求成于  
楚而叛晉季文子曰不可晉雖無道未可叛也國大  
臣睦而邇於我注邇近也諸侯聽焉未可以貳注聽

服也史佚之志有之曰注周文王太史音義秦非

我族類其心必異楚雖大非吾族也注與魯異姓其

肯字我乎公乃止注字愛也○冬十一月鄭公孫申

帥師疆許田注前年鄭伐許侵其田今正其界音義

疆居良反許人敗諸展陂鄭伯伐許取鉏任泠敦之田注

展陂亦許地音義陂彼皮反鉏仕居反○晉欒書將

中軍注代郤克音義將子匠反荀首佐之士燮佐上軍以

救許伐鄭取汜祭注汜祭鄭地成臯縣東有汜水音

義音祀祭側界反疏正義曰杜注滎陽中牟縣有東

彼二汜而以成臯縣東有汜水者以傳為晉伐鄭取  
汜祭既為晉人所取當是鄭之西北界即今之汜水

也字書水旁已為汜水旁已為汜字相亂楚子反救  
也漢書音義亦為汜今汜水上源為汜谷

鄭鄭伯與許男訟焉注於子反前爭曲直皇成攝鄭

伯之辭注代之對子反不能決也曰君若辱在寡君

寡君與其二三臣共聽兩君之所欲成其可知也注

欲使自屈于楚子前決之不然側不足以知二國之

成注側子反名為明年許愬鄭於楚張本音義愬音

○晉趙嬰通于趙莊姬注趙嬰趙盾弟莊姬趙朔妻

朔盾之子

經五年春王正月杞叔姬來歸注出也傳在前年疏正

曰杞既出之猶稱杞者雜記曰諸侯出夫人夫人比至于國以夫人之禮行至以夫人入鄭玄云行道以夫人之禮者棄妻致命其家乃義絕不用此為始

仲孫蔑如宋

夏叔孫僑如會晉荀首于穀注穀齊地

梁山崩注記異也梁山在馮翊夏陽縣北疏

正義曰公羊傳曰梁

山崩何以書記異也公羊以為非常為異害物為災此山崩無所害故為異也

秋大水注無傳

冬十有一月己酉天王崩

十有二月己丑公會晉侯齊侯宋公衛侯鄭伯曹伯邾子杞伯同盟于蟲牢注蟲牢鄭地陳留封丘縣北有桐

牢

傳五年春原屏放諸齊注放趙嬰也原同屏季嬰之

兄音義

屏步  
丁反

嬰曰我在故樂氏不作我亡吾二昆其

憂哉且人各有能有不能注言已雖淫而能令莊姬

護趙氏音義

丁令力反

舍我何害弗聽嬰夢天使謂已祭

余余福女使問諸士貞伯貞伯曰不識也既而告其

人曰注自告貞伯從人音義

舍音捨又音赦聽吐丁反女音汝從才用反

疏

正義曰嫌告趙嬰使人故云自告貞伯從人也若告趙嬰使人不得云神福仁而禍淫

神福

仁而禍淫淫而無罰福也祭其得亡乎注以得放遣

為福祭之之明日而亡注為八年晉殺趙同趙括傳

○孟獻子如宋報華元也注前年宋華元來聘○夏



晉荀首如齊逆女故宣伯餽諸穀注野饋曰餽運糧

饋之敬大國也音義

餽音野 餽音反

疏

正義曰釋詁云餽饋也孫炎曰餽野

之饋也彼言野饋饋田農在野之人此言野饋饋在野行路之人俱是在野言之謂之饋者言其運糧饋

之彼晉逆女而往○梁山崩晉侯以傳召伯宗注傳

驛音義

傳中戀反注及下同驛音亦

伯宗辟重曰辟傳注重載之

車音義

辟重匹亦反徐甫赤反本又作僻曰辟音避

重人曰待我不如捷

之速也注捷邪出音義

捷在妾反疏正義曰捷亦速邪似嗟反疏也方行則遲邪

出則速楚辭謂邪行小道為捷徑是捷為邪出問其所曰絳人也問絳事焉

曰梁山崩將召伯宗謀之問將若之何曰山有朽壤

而崩可若何國主山川注主謂所主祭音義

絳古巷反壤如

反故山崩川竭君為之不舉注去盛饌音義

為于偽反去起

呂反饌反降服注損盛服乘縵注車無文音義

縵武旦反又莫

半疏

正義曰周禮巾車掌王之五路皆不言車有文飾其下服車五乘孤乘夏篆卿乘夏縵大夫乘

墨車鄭玄云夏篆五采畫轂約也夏縵亦五采畫無

瑕耳墨車不畫也孤之車尚有瑕約明諸侯之車必

有瑕約詩所謂約軼錯衡是其事也乘縵車無文蓋

大夫制也乘之者入天子之國車服不可盡同也徹

彼為適王尚乘墨車明此山崩降服亦乘墨車也徹

樂注息八音出次注舍於郊疏

正義曰僖三十三年傳秦伯以師敗于穀

素服郊次此言出次降服明亦次于郊也文四年傳楚人滅江秦伯為之降服出次注云辟正寢與此文

互相見也祝幣注陳玉帛史辭注自罪責以禮焉注禮山

川其如此而已雖伯宗若之何伯宗請見之注見之

於晉君音義見賢遍反注皆同不可注不肯見遂以告而從

之注從重人言○許靈公愬鄭伯于楚注前兩年鄭

伐許故六月鄭悼公如楚訟不勝楚人執皇成及子

國注以鄭伯不直故也子國鄭穆公子故鄭伯歸使

公子偃請成于晉秋八月鄭伯及晉趙同盟于垂棘

注垂棘晉地○宋公子圍龜為質于楚而歸注圍龜

文公子音義

質音致  
下注同

華元享之請鼓譟以出鼓譟以

復入注出入輒擊鼓音義

譟素報反復  
扶又反下同

曰習攻華氏

宋公殺之注蓋宣十五年宋楚平後華元使圍龜代

已為質故怨而欲攻華氏○冬同盟于蟲牢鄭服也

諸侯謀復會宋公使向為人辭以子靈之難注子靈

圍龜也宋公不欲會以新誅子靈為辭為明年侵宋

傳音義

向舒亮反難乃旦反一本無之難二字子靈為辭一本無為辭二字

○十一月

已酉定王崩注經在蟲牢盟上傳在下月倒錯衆家

傳悉無此八字或衍文音義

倒丁反疏正義曰傳不虛

明又上下倒錯諸家之傳又悉無此言必是衍文此杜以疑事母質不敢輒去之耳

經六年春王正月公至自會注無傳

二月辛巳立武宮注魯人自鞏之功至今無患故築武

軍又作先君武公宮以告成事欲以示後世疏

正義曰杜以傳

稱季文子以鞏之功立武宮故云魯人自鞏之功至今無患追思鞏戰以為已功故築武軍又作先君武公之

廟以告戰勝之事欲以章示後世明已之功也其意言  
築為武軍又作武公之廟公羊傳曰武宮者何武公之  
宮也是立宮為武公廟也武公是成公九世之祖其廟  
毀已久矣今復立之以為不毀之廟禮明堂位曰魯公  
之廟文世室也武公之廟武世室也世室言其世世不  
毀劉炫以為直立武公之宮不築武軍今知不然者以  
下傳云聽於人以救其難不可以立武立武由已非由  
人也是丘明譏魯立武以章武功明非徒築宮而已又  
宣十二年潘黨請築武軍楚子云武有七德我無一焉  
武非吾功遂不敢築武軍以明武功此則丘明譏魯章  
武功明亦築武軍也若其唯築武宮傳應云不可以立  
武宮不得單稱武也劉以為唯築武公之宮而規杜非  
也

取鄆注附庸國也音義

鄆徐音專  
又市樂反

衛孫良夫帥師侵宋

夏六月邾子來朝注無傳

公孫嬰齊如晉注嬰齊叔盱子

壬申鄭伯費卒注前年同盟蟲牢音義  
秘費音

秋仲孫蔑叔孫僑如帥師侵宋

楚公子嬰齊帥師伐鄭

冬季孫行父如晉

晉欒書帥師救鄭

傳六年春鄭伯如晉拜成注謝前年再盟子游相注

子游公子偃音義

相息亮反下甯相同

授玉于東楹之東注禮

授玉兩楹之間鄭伯行疾故東過疏

正義曰聘禮云公受玉于中堂

與東楹之間鄭玄云中堂南北之中也入堂之深尊

奉命來聘君臣不敵故授玉于東楹之間國君來朝

尊卑禮敵傳言東楹之東以譏鄭伯行速明禮當授

玉于兩楹之間士貞伯曰鄭伯其死乎自棄也已視流而行

速不安其位宜不能久注視流不端諦音義帝音○  
二月季文子以鞶之功立武宮非禮也注宣十二年



潘黨勸楚子立武軍楚子答以武有七德非已所堪

其為先君宮告成事而已今魯倚晉之功又非霸王

而立武宮故譏之音義

倚於疏正義曰服虔云鞏之  
反戰禱武公以求勝故

立其宮案定元年傳昭公出故季平子禱于煬公立  
煬宮此若為禱而立何以不言禱也無驗之說故不

可從聽於人以救其難不可以立武立武由已非由人

也注言請人救難勝非已功音義

難乃旦反注同

○取鄆言

易也音義

易以歧反

○三月晉伯宗夏陽說衛孫良夫甯

相鄭人伊雒之戎陸渾蠻氏侵宋注夏陽說晉大夫

蠻氏戎別種也河南新城縣東南有蠻城經唯書衛

孫良夫獨衛告也音義

夏戶雅反說音悅下文注同渾戶門反種章勇反

以

其辭會也注辭會在前年師于鉞衛人不保注不守

備音義

鉞其廉反一音針

說欲襲衛曰雖不可入多俘而歸

有罪不及死伯宗曰不可衛唯信晉故師在其郊而不設備若襲之是棄信也雖多衛俘而晉無信何以

求諸侯乃止師還衛人登陴注聞說謀故音義

陴毗支反

○晉人謀去故絳注晉復命新田為絳故謂此故絳

音義

又復扶反

諸大夫皆曰必居郇瑕氏之地注郇瑕古

國名河東解縣西北有郇城音義

郇音荀解音蟹

沃饒而近

鹽國利君樂不可失也注鹽鹽也猗氏縣鹽池是音

義

近附近之近下及註近寶皆同鹽音古猗於宜反

疏

正義曰說文云鹽河東鹽池袤五十一里

廣七里周總百一十六里字從鹽省古聲然則鹽是鹽之名鹽雖是鹽唯此池之鹽獨名為鹽餘鹽不名

鹽也注正義曰土田良沃五穀饒多民豐則國利財多則君樂其處不可失也

韓獻子將新

中軍且為僕大夫注兼大僕音義

樂音洛下謂樂同將子匠反下注軍

將同大僕音泰公揖而入獻子從公立於寢庭注路寢之庭

疏正義曰禮玉藻云君日而視朝退適路寢聽政知寢庭是路寢之庭也沈氏云大僕職云王視燕朝

則正位掌擯相鄭注云燕朝朝於路寢之庭韓獻子既為僕大夫故知寢庭路寢之庭也其路門之外朝

則司士掌馬故司士掌治朝之儀治朝則路門之外朝則司士掌事之朝也其庫門之外朝則朝士掌馬故

朝士云掌外朝之法此是詢衆庶問罪人之處也凡人君內朝二外朝一內朝二者路門內外之朝也外

朝一者庫門外之朝也若諸侯三門臯應路外朝則在應門外魯之三門庫雉路則外朝在雉門外謂

獻子曰何如注問諸大夫言是非對曰不可郇瑕氏

土薄水淺注土薄地下其惡易覲注惡疾疾覲成也

音義易以豉反下注同覲古豆疏正義曰下云土厚反疾勅覲反本或作疥同疏水深居之不疾此

云土薄水淺必居之多疾以此知惡是疾疾也爾雅  
訓覲為見杜以惡為疾疾疾非難見之物唯苦其  
病成耳故訓覲為成言其  
病易成由水土惡故也  
易覲則民愁民愁則墊隘

注墊隘羸困也音義

墊丁念反隘於疏正義曰疾疾  
賣反羸劣偽反疏易成則下民

愁苦民既愁苦則必羸困羸困而謂之墊隘者方言  
云墊下也地之下濕狹隘猶人之羸瘦困苦故杜以

墊隘為於是乎有沉溺重腿之疾注沉溺濕疾重腿  
羸困也

足腫音義

溺乃歷反腿治偽反一音直媿  
反足腫章勇反一音常勇反

不如新田

注今平陽絳邑縣是土厚水深居之不疾注高燥故  
有汾澮以流其惡注汾水出大原經絳北西南入河

澮水出平陽絳縣南西入汾惡垢穢音義

汾扶云反澮古外反

垢反古且民從教注無災患十世之利也疏正義曰民有災患則

不暇從上無災患則從教化十者數之小成故云十世之利也夫山澤林監國之寶

也國饒則民驕佚注財易致則民驕侈音義佚音疏

正義曰魯語敬姜云昔者聖王之處民也擇瘠土而居之勞其民而用之故長王天下夫民勞則思思則

善心生逸則淫淫則志善志善則惡心生沃土之民不材逸也瘠土之民莫不向義勞也敬姜此語自是

激發之辭未必聖王盡然要亦有此理也太史公書稱武王克殷患殷民富侈太史公曰奢昏厚葬以破

其產為其富而驕佚故設法以貧之也管子曰倉廩實而知禮節衣食足而知榮辱讓生於有餘爭生於

不足論語稱孔子適衛欲先富而後教為其貧而無  
恥欲營生以富之也此皆觀民設教故其理不同若  
遷都近監則民皆商販則富者彌富驕侈而難治貧  
者益貧饑寒而犯灋且貧者資富而致貧富者削貧  
而為富惡民之富乃是愍民之  
貧欲使貧富均而勞佚等也 近寶公室乃貧不可

謂樂注近寶則民不務本疏

正義曰農業人之本也商販事之末也若民居

近寶則棄本逐末廢農為商則貧富兼并若貧富兼并則貧多富少貧者無財以共官富者不可以倍稅賦稅少則公室貧也公說從之夏四月丁丑晉遷于新田注為

季孫如晉傳音義

說音悅

○六月鄭悼公卒注終士貞

伯之言○子叔聲伯如晉命伐宋注晉人命聲伯秋

孟獻子叔孫宣伯侵宋晉命也○楚子重伐鄭鄭從  
晉故也注前年與晉盟○冬季文子如晉賀遷也○

晉欒書救鄭與楚師遇於繞角注繞角鄭地楚師還  
晉師遂侵蔡楚公子申公子成以申息之師救蔡注

申息楚二縣音義城音禦諸桑隧注汝南朗陵縣東

有桑里在上蔡西南音義禦魚呂反趙同趙括欲戰

請於武子武子將許之注武子欒書知莊子注荀首

中軍佐范文子注士燮上軍佐韓獻子注韓厥新中



軍將諫曰不可吾來救鄭楚師去我吾遂至於此注  
此蔡地是遷戮也戮而不已又怒楚師戰必不克注  
遷戮不義怒敵難當故不克雖克不令成師以出而  
敗楚之二縣何榮之有焉注六軍悉出故曰成師以  
大勝小不足為榮若不能敗為辱已甚不如還也乃  
遂還於是軍帥之欲戰者衆或謂欒武子曰聖人與  
衆同欲是以濟事子盍從衆注盍何不也音義帥所類反  
下注同盍戶臘反子為大政注中軍元帥將酌於民者也注

酌取民心以為政子之佐十一人注六軍之卿佐疏

正義曰服虔云是時樂書將中軍荀首佐之荀庚將上軍士燮佐之卻錡將下軍趙同佐之韓厥將新中

軍趙括佐之鞏朔將新上軍韓穿佐之荀雕將新下軍趙旃佐之其不欲戰者三人

而已注知范韓也欲戰者可謂衆矣商書曰三人占

從二人衆故也注商書洪範疏正義曰武王克殷始作洪範今見在周書

傳謂之商書者以箕子商人所陳故也武子曰善鈞從衆注鈞等也夫

善衆之主也三卿為主可謂衆矣注三卿皆晉之賢

人從之不亦可乎注傳善樂書得從衆之義且為八

年晉侵蔡傳

經七年春王正月鼯鼠食郊牛角改卜牛鼯鼠又食其角乃免牛注無傳稱牛未卜日免放也免牛可也不郊

非禮也音義

鼯音

疏

正義

曰釋

獸

鼯

鼠

李

巡

曰鼯

毒

者蓋

如

鼠

如

今鼠狼改卜牛下重言鼯鼠又食其角不重言牛者何休云言角牛可知後食牛者未必故鼠故重言鼠改卜被食角者言乃免牛則前食角者亦免之矣從下免省文也注正義曰僖三十一年傳曰牛卜日曰牲今稱牛是未卜日也免放也放不殺遂不郊也

吳伐鄭音義

郊音

談

夏五月曹伯來朝

不郊猶三望注無傳書不郊間有事三望非禮

秋楚公子嬰齊帥師伐鄭

公會晉侯齊侯宋公衛侯曹伯莒子邾子杞伯救鄭八月戊辰同盟于馬陵注馬陵衛地陽平元城縣東南有

地名馬陵

公至自會注無傳

吳入州來注州來楚邑淮南下蔡縣是也

冬大雩注無傳書過

衛孫林父出奔晉

傳七年春吳伐郟郟成季文子曰中國不振旅蠻夷

入伐而莫之或恤注振整也旅衆也無弔者也夫注

言中國不能相愍恤故夷狄內侵音義扶夫音詩曰不

弔昊天亂靡有定其此之謂乎注詩小雅刺在上者

不能弔愍下民故號天告亂音義昊戶老反疏正義  
號戶刀反曰此

詩小雅節南山之篇有上不弔其誰不受亂注上謂霸主吾亡

無日矣君子曰知懼如是斯不亡矣○鄭子良相成

公以如晉見且拜師注謝前年晉救鄭之師為楚伐

鄭張本音義

相息亮反見賢遍反

○夏曹宣公來朝疏

正義曰此文及

八年傳召桓公來錫公命並無所解釋而虛載經文者釋例曰其經傳事同而文異者或告命之辭有差異或氏族名號當須互見此

○秋楚子重伐鄭師于

汜注汜鄭地在襄城縣南音義

凡汜音

諸侯救鄭鄭共

仲侯羽軍楚師注二子鄭大夫音義

共音恭

囚鄖公鍾

儀獻諸晉八月同盟于馬陵尋蟲牢之盟且莒服故

也注蟲牢盟在五年莒本屬齊齊服故莒從之音義

鄭本又作員音云邑名

○晉人以鍾儀歸囚諸軍府注軍藏府

也為九年晉侯見鍾儀張本音義

藏才浪反

○楚圍宋之

役注在宣十四年師還子重請取於申呂以為賞田

王許之注分申呂之田以自賞申公巫臣曰不可此

申呂所以邑也是以為賦以御北方若取之是無申

呂也注言申呂賴此田成邑耳不得此田則無以出

兵賦而二邑壞也音義

所以邑也一本作所邑也御魚呂反

晉鄭必至

于漢王乃止子重是以怨巫臣子反欲取夏姬巫臣止之遂取以行子反亦怨之及共王即位注楚共王

以魯成公元年即位音義共音子重子反殺巫臣之

族子閻子蕩及清尹弗忌注皆巫臣之族音義閻音

及襄老之子黑要注以夏姬故并怨黑要音義要一

而分其室子重取子閻之室使沈尹與王子罷分子

蕩之室子反取黑要與清尹之室巫臣自晉遺二子

書曰注子重子反音義罷音皮下同爾以讒慝貪恡

遺唯季反



事君而多殺不辜余必使爾罷於奔命以死巫臣請

使於吳晉侯許之吳子壽夢說之乃通吳于晉注壽

夢季札父音義

慝他得反憚力舍反使所吏反

以兩

之一卒適吳舍偏兩之一焉注司馬法百人為卒二

十五人為兩車九乘為小偏十五乘為大偏蓋留九

乘車及一兩二十五人令吳習之音義

卒子忽反注同舍音赦舊

音捨乘繩證反下注同令力呈反

疏

正義曰以兩之一謂將二十五人也又言卒謂更將百人也言

之者婉句耳凡將一百二十五人適吳也舍偏謂舍一偏之車九乘也兩之一馬又舍二十五人也凡舍

九乘車二十五人與吳矣發首言兩之一者為舍此  
兩之一故先言之又言卒者見巫臣所將非唯有一  
兩也司馬法車九乘為小偏十五乘為大偏傳言偏  
不言大當是留九乘車矣唯言留一偏不見元將車  
數不知去時幾乘車去也丘明為傳辭皆易解此獨  
蹇澁或誤本文蘇氏云舍九乘車以六乘車還則以  
去時十五乘車傳不言者以舍既稱偏明去時有車  
可知從省文也沈氏云聘使未有將兵車者今此特  
將兵車為方欲教吳與其射御教吳乘車教之戰陳  
戰陳故與常不同

教之叛楚注前是吳常屬楚音義

戰陳直

寘其子狐

庸馬使為行人於吳吳始伐楚伐巢伐徐注巢徐楚

屬國音義

寘之

子重奔命注救徐巢馬陵之會吳入

州來子重自鄭奔命注因伐鄭而行子重子反於是

乎一歲七奔命蠻夷屬於楚者吳盡取之是以始大

通吳於上國注上國諸夏音義夏戶雅反○衛定公惡孫

林父冬孫林父出奔晉注林父孫良夫之子音義惡鳥

路反衛侯如晉晉反戚焉注戚林父邑林父出奔戚隨

屬晉音義戚七狄反疏正義曰傳言晉反戚焉則戚已屬

以叛此不言叛故解之戚是孫氏世所食邑林父出

奔之後戚自從隨之而屬晉非林父入而將去故不

經八年春晉侯使韓穿來言汶陽之田歸之于齊注齊

服事晉故晉來語魯使還二年所取田音義

語魚據反

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣注昏聘不使卿今華元將命

故特書之宋公無主昏者自命之故稱使也公孫壽蕩

意諸之父疏

正義曰傳於華元來聘之下云聘共姬也則華元新始告魯欲圖為昏昏禮發首云

昏禮下達乃言納采鄭玄云達通也將欲與彼合昏  
必先使媒氏通其言女氏許之乃後使人納其采擇之  
禮此華元來聘則彼昏禮所謂下達者也士禮使媒諸  
侯不可求媒於其國自使臣行則亦媒之義昏有六禮  
下達之後初有納采擇之禮既行納采其日即行問名  
問女之名將歸卜其吉凶也歸既卜得吉又使使者往  
告謂之納吉納吉則昏禮定矣復遣納徵徵成也納幣  
以成昏禮士禮納徵有玄纁束帛儷皮其諸侯謂之納  
幣以其幣多故指幣言之納幣以後又有請期親迎是  
之謂六禮也計華元來聘之後當有納采納吉二使  
使之後乃次納幣今唯書納幣者納采納吉其使非卿  
故不書也釋例曰諸侯昏禮云以士昏禮準之不得唯  
止於納幣逆女納幣逆女二事皆必使卿行卿行則書  
之他禮非卿則不書也宋公使華元來聘聘不應使卿  
故傳但言聘共姬也使公孫壽來納幣逆女此其義也  
傳明言得禮也魯君之昏唯存納幣逆女此其義也是

言聘女不應使卿今華元以卿將命故特書之也隱二年公羊傳曰昏禮不稱主人宋公使公孫壽來納幣則其稱主人何辭窮也辭窮者何無母也禮有母則母命之宋公無主昏者宋公自命之故稱宋公使公孫壽來也公孫壽蕩意諸之父者文十六年傳文

晉殺其大夫趙同趙括注傳曰原屏咎之徒也明本不

以德義自居宜其見討故從告辭而稱名疏正義曰傳稱莊姬譖

之則是同括無罪大夫無罪見殺例不書名此並書名故解之宣十二年傳曰原屏咎之徒也明本不以德義自居而妄叨高位宜其見討今雖實不作亂從告而稱其名言從告者凡殺大夫必以其實有罪告不肯言其無罪魯史詳其曲直乃立其文故所書或從或否耳

秋七月天子使召伯來賜公命注諸侯即位天子賜以

命圭與之合瑞八年乃來緩也天子天王王者之通稱

音義

通稱尺疏正義曰天子賜諸侯之命書傳亦無正證反禮唯文元年天王使毛伯來錫公命僖

十一年傳王賜晉惠公命周語王賜晉文公命皆是即位而賜之又賜之以圭擬朝而合瑞諸侯即位禮必朝王明當即位即賜之命今八年乃來是緩也隱元年宰咺來賜為其緩書名以譏之此亦緩也而不譏之者彼贈死不及尸弔生不及哀子氏未薨而豫凶事所失者大故特譏之春秋之時賜命禮廢唯文公即位而賜成公八年乃賜桓公死後追賜其餘皆不得賜苟以得之為榮故不復譏其緩也且賜之以圭者為朝而合瑞魯尚不朝天子不宜譏天子賜緩也天子之見經者三十有二稱天王者二十五稱王者八稱天子者一即此事

是也三稱並行傳無異說故知天子天王王者之通稱也其不同者史異辭耳公羊傳曰其稱天子何元年春王正月正也其餘皆通矣杜用彼說也賈逵云諸夏稱天王畿內曰王夷狄曰天子王使榮叔歸舍且賜以恩命與夷狄同故稱天子左氏無此義故杜不從之

冬十月癸卯祀叔姬卒注前五年米歸者女既適人雖

見出棄猶以成人禮書之終為祀伯所葬故稱祀叔姬

### 晉侯使士燮來聘

叔孫僑如會晉士燮齊人邾人伐郟注先謀而稱會盟

主之命不同之於列國



衛人來媵注古者諸侯取適夫人及左右媵各有姪娣

皆同姓之國國三人凡九女所以廣繼嗣也魯將嫁伯

姬于宋故衛來媵之音義

媵以證反又繩證反適丁歷反姪大結反字林文一反娣

大計疏正義曰莊十九年公羊傳曰媵者何諸侯娶一

娣者何弟也諸侯一聘九女是諸侯取適夫人及左右

媵各有姪娣也傳曰同姓媵之異姓則否是夫與媵

皆同姓之國也魯衛同姓故來媵之釋例曰古者諸

之娶適夫人及左右媵各有姪娣皆同姓之國國三人

凡九女參骨肉至親所以息陰訟息所以廣繼嗣

也當時雖無其人必待年而送之所以絕望求塞非常

謙敬之實也夫人薨不更聘必以姪娣媵繼室一與之

醮則終身不二所以重婚姻固人倫人倫之義既固上足以奉宗廟下足以繼後世此夫婦之義也

傳八年春晉侯使韓穿來言汶陽之田歸之于齊季

文子餞之注餞送行飲酒音義

餞錢淺反說文云送去食也字林子扇反

毛詩箋云祖而舍較飲酒於其側曰餞

疏正義曰詩大雅韓奕篇云韓侯出祖出宿于屠顯父餞之

清酒百壺是餞為送行飲酒也

私焉注私與之言曰大國制義以為

盟主疏

正義曰義者宜也事得其宜謂之為義汶陽之田宜其歸魯是歸魯為義歸齊不義大國

當制其義事以為諸侯之盟主

是以諸侯懷德畏討無有貳心謂汶

陽之田做邑之舊也而用師於齊使歸諸做邑注用

師韋之戰今有二命曰歸諸齊信以行義義以成命

小國所望而懷也信不可知義無所立四方諸侯其

誰不解體注言不復肅敬於晉音義又復扶疏正義曰

信義事乃行是信以行義事必以義命乃成就故義以成命也杖信以行義事以義而命諸侯故以小國

所望而歸之懷歸也言而無信則信不可知所命非義則義無所立如是則四方諸侯其誰不解體謂事

晉之心皆踈慢也詩曰女也不爽士貳其行士也罔極二三

其德注爽差也極中也詩衛風婦人怨丈夫不一其

行喻魯事晉猶女之事夫不敢過差而晉有罔極之

心反二三其德音義行下孟反注同差疏正義曰衛初賈反又初佳反風氓之篇

七年之中一與一奪二三孰甚焉士之二三猶喪妃

耦而况霸主霸主將德是以注以用也音義喪息浪反妃音

配耦苦而二三之其何以長有諸侯乎詩曰猶之未口反

遠是用大簡注猶圖也簡諫也詩大雅言王者圖事

不遠故用大道諫之音義長音如字一音丁丈反行父懼晉之

不遠猶而失諸侯也是以敢私言之疏正義曰詩大雅板之篇也

言王者之所圖謀其事未能長遠我以此故用大道諫王行父今亦懼晉之不能遠圖而因此以失諸侯

是以敢私言之私布  
此言即是大諫也

○晉樂書侵蔡注六年未得志

故遂侵楚獲申驪注申驪楚大夫音義

驪力馳反

楚師之

還也注謂六年過於繞角時疏

正義曰還在六年不於彼言者因其今獲

申驪追言六年侵沈述樂書得從善之功故於此并言之

晉侵沈獲沈子揖初從

知范韓也注繞角之役樂書從知莊子范文子韓獻

子之言不與楚戰自是常從其謀師出有功故傳善

之沈國今汝南平輿縣音義

揖徐音集又於立反與音餘一音預

君子

曰從善如流宜哉注宜有功也如流喻速詩曰愷悌

君子遐不作人注遐遠也作用也詩大雅言文王能

遠用善人不語助音義

愷開在反樂也  
悌徒禮反易也  
疏正義曰大  
雅旱麓之

篇求善也夫作人斯有功績矣是行也鄭伯將會晉

師注會伐蔡之師音義

扶夫音

門于許東門大獲焉注

過許見其無備因攻之音義

禾過古反

○聲伯如莒逆也

注自為逆婦而書者因聘而逆音義

為于偽反下  
文為趙嬰同

○

宋華元來聘聘共姬也注穆姜之女成公姊妹為宋

共公夫人聘不應使卿故傳發其事而已音義

共音  
恭

疏

正義曰明年季文子如宋致女還稱宋王之樂穆姜出拜謝之知是穆姜所生之女也

夏宋

公使公孫壽來納幣禮也注納幣應使卿○晉趙莊

姬為趙嬰之亡故譖之于晉侯注趙嬰亡在五年曰

原屏將為亂欒郤為徵注欒氏郤氏亦徵其為亂六

月晉討趙同趙括武從姬氏畜于公宮注趙武莊姬

之子莊姬晉成公女畜養也疏正義曰史記趙世家云趙朔娶晉成公之

為夫人案傳趙衰適妻是文公之女若朔妻成公之

姊則亦文公之女父之從母不可為妻且文公之

卒距此四十六年莊姬此時尚少不得為成公姊也

賈服先儒皆以為成公之女故杜從之史記又稱有

左傳注疏

屠岸賈者有寵于靈公此時為司寇追論趙盾弑君之事誅趙氏殺趙朔趙同趙括而滅其族案二年傳樂書將下軍則於時朔已死矣同括為莊姬所譖此年見殺趙朔不得與同括俱死也於時晉君明諸臣彊無容有屠岸賈輒廁其間得如此專恣又說云公孫杵臼取他兒代武死程嬰匿武于山中居十五年因晉侯有疾韓厥乃請立武為趙氏後與左傳背違馬遷妄說不可從也以其田與祁奚

韓厥言於晉侯曰成季之勲宣孟之忠注成季趙衰

宣孟趙盾音義

祁巨之反字林上尸反  
衰初危反盾徒本反

而無後為善

者其懼矣三代之令王皆數百年保天之祿夫豈無

辟王賴前哲以免也注言三代亦有邪辟之君但賴



其先人以免禍耳音義

數所主反辟匹亦反注及疏下同哲陟列反邪似嗟反

正義曰比趙同趙括嗣祖父之天祿若桀紂之輩雖邪辟子孫賴禹湯之功而食天祿

周書曰

不敢侮鰥寡所以明德也注周書康誥言文王不侮

鰥寡而德益明欲使晉侯之法文王音義

侮七甫反鰥古頑反

乃立武而反其田焉○秋召桓公來賜公命注召桓

公周卿士○晉侯使申公巫臣如吳假道于莒與渠

丘公立於池上注渠邱公莒子朱也池城池也渠邱

邑名莒縣有濼里音義

濼其反疏正義曰十四年莒子居反疏朱卒知渠邱公卽是

朱也渠邱莒之邑名夷不當有諡或作曰城已惡莒  
別號此朱以邑名為號不知其故何也

子曰辟陋在夷其孰以我為虞注虞度也音義已惡

已猶大也本或作城對曰夫狡焉注狡猾之人音義

狡交卯反猾于八反思啟封疆以利社稷者何國蔑有唯然故

多大國矣唯或思或縱也注世有思開封疆者有縱

其暴掠者莒人當唯此為命音義疆居良反注同唯

後人改也疏正義曰俗本唯作勇夫重閉况國乎注

為明年莒潰傳音義重直龍反又直勇反閉補計

冬杞叔姬卒來歸自杞故書注愍其見出來歸故書

卒也若更適大夫則不復書卒音義

復扶又反

○晉士燮

來聘言伐邾也以其事吳故注七年邾與吳成公賂

之請緩師文子不可注文子士燮曰君命無貳失信

不立禮無加貨事無二成注公私不兩成君後諸侯

是寡君不得事君也注欲與魯絕音義

後如字徐音胡豆反

燮

將復之季孫懼使宣伯帥師會伐邾○衛人來媵共

姬禮也凡諸侯嫁女同姓媵之異姓則否注必以同

姓者參骨肉至親所以息陰訟疏

正義曰膏肓所以為

博異氣今左傳異姓則否十年齊人來媵何以無貶  
刺之文左氏為短鄭歲云禮稱納女于天子云備百  
姓於國君云備酒漿不得云百姓是不博異氣  
也齊是大國今來媵我得之為榮不得貶也

經九年春王正月杞伯來逆叔姬之喪以歸

公會晉侯齊侯宋公衛侯鄭伯曹伯莒子杞伯同盟于

蒲注蒲衛地在長垣縣西南

公至自會注無傳

二月伯姬歸于宋注宋不使卿逆非禮

夏季孫行父如宋致女注女嫁三月又使大夫隨加聘

問謂之致女所以致成婦禮薦昏姻之好音義

好呼報反疏

正義曰桓二年九月夫人姜氏至自齊冬齊侯使其弟

年來聘傳曰齊仲年來聘致夫人也此二月伯姬歸于

宋夏季孫行父如宋致女二者其間並近三月禮婦入

三月廟見知致女必以三月蓋廟見之後婦禮既成使

大夫聘問謂之致女其成婦之禮存謙敬序殷勤所以

薦昏姻之好也仲年行父俱是致女而彼言聘者在魯

而出則曰致女在他國而來則但言聘外內之異文也

以彼言聘而實是致女故二注皆言使大夫隨加聘問

為此也

晉人來媵注媵伯姬也

秋七月丙子齊侯無野卒注無傳五同盟丙子六月一

日書七月從赴疏

正義曰無野以宣十年即位此二年及國佐盟于袁婁又盟于蜀五年于

蟲宰七年于馬陵此年于蒲皆魯齊俱在是五同盟也

晉人執鄭伯注鄭伯既受盟于蒲又受楚賂會于鄧故

晉執之稱人者晉以無道于民告諸侯例在十五年

晉欒書帥師伐鄭

冬十有一月葬齊頃公注無傳音義

頃音

楚公子嬰齊帥師伐莒庚申莒潰注民逃其上曰潰

楚人入鄆注鄆莒別邑也楚偏師入鄆故稱人

秦人白狄伐晉

鄭人圍許

城中城注魯邑也在東海廩邱縣西南此閏月城在十

一月之後十二月之前故傳曰書時疏正義曰長歷推此年閏十一月

傳城中城文在十二月上而云書時也即是閏月城之閏月半後即是十二月節故水昏已正而城之是得時也

傳九年春杞桓公來逆叔姬之喪請之也注叔姬已

絕於祀魯復強請祀使還取葬音義

復扶又反下同強其丈反

祀

叔姬卒為祀故也注還為祀婦故卒稱祀音義

為于偽反

下注為魯下文為歸汶陽同

逆叔姬為我也注既棄而復逆其喪

明為魯故音義

逆叔姬絕句為我也本或無為字

○為歸汶陽之田

故諸侯貳於晉注歸田在前年晉人懼會於蒲以尋

馬陵之盟注馬陵在七年季文子謂范文子曰德則

不競尋盟何為注競強也范文子曰勤以撫之寬以

待之堅彊以御之明神以要之柔服而伐貳德之次



也是行也將始會吳吳人不至注為十五年會鍾離

傳音義

御魚呂反  
要一遙反

○二月伯姬歸于宋注為致女復

命起○楚人以重賂求鄭鄭伯會楚公子成于鄧注

為晉人執鄭伯傳○夏季文子如宋致女復命公享

之賦韓奕之五章注韓奕詩大雅篇名其五章言蹶

父嫁女於韓侯為女相所居莫如韓樂文子喻魯侯

有蹶父之德宋公如韓侯宋土如韓樂音義

蹶九衛  
反為于

偽反相息亮反  
樂音洛下同

穆姜出於房再拜曰大夫勤辱不忘

先君以及嗣君施及未亡人注穆姜伯姬母聞文子言宋樂喜而出謝其行勞婦人夫死自稱未亡人音

義

施以  
鼓反

先君猶有望也注言先君亦望文子之若此

敢拜大夫之重勤又賦綠衣之卒章而入注綠衣詩

邶風也取其我思古人實獲我心喻文子言得已意

音義

重直勇反又直用反綠如字本又作祿吐亂反注同邶音佩又作節

○晉人來媵

禮也注同姓故○秋鄭伯如晉晉人討其貳於楚也

執諸銅鞮注銅鞮晉別縣在上黨音義

鞮丁反

樂書伐

鄭鄭人使伯蠲行成晉人殺之非禮也兵交使在其

間可也注明殺行人例音義

蠲古玄反又音圭使在所吏反

楚子重

侵陳以救鄭注陳與晉故○晉侯觀于軍府見鍾儀

問之曰南冠而縶者誰也注南冠楚冠縶拘執音義

縶中立反疏正義曰應劭漢官儀云法冠一曰柱後拘九予反冠左傳南冠而縶則楚冠也秦滅楚以

其冠賜近臣御史服之即今解豸冠也古有解豸獸觸不直者故執憲以其形用為冠令觸人也有

司對曰鄭人所獻楚囚也使稅之注鄭獻鍾儀在七

年稅解也音義

稅吐活反徐始銳反注同

召而弔之再拜稽首問

其族對曰冷人也注冷人樂官音義

冷力丁反疏正依字作伶義

曰詩簡兮序云衛之賢者任于冷官鄭玄云冷官樂官也冷氏世掌樂官而善焉故後世名號樂官為冷

官呂氏春秋稱黃帝使伶倫自大夏之西崑崙之陰取竹斷兩節而吹之以為黃鍾之宮昭三十一

景王鑄無射冷州鳩非之是冷氏世掌樂官也周語云景王鑄鍾成冷人告和魯語云冷蕭詠歌及鹿鳴

之三此稱冷人詩稱冷公曰能樂乎對曰先父之職官是冷為樂官之名也

官也敢有二事注言不敢學他事使與之琴操南音

注南音楚聲音義

標七刀反下同

公曰君王何如對曰非小

人之所得知也固問之對曰其為大子也師保奉之

以朝于嬰齊而夕于側也注嬰齊令尹子重側司馬  
子反言其尊卿敬老不知其他公語范文子文子曰  
楚囚君子也言稱先職不背本也樂操土風不忘舊  
也稱大子抑無私也注舍其近事而遠稱少小以示  
性所自然明至誠音義語魚據反背音佩下疏正義  
同舍音捨少詩照反楚  
王既為君矣不言為君時事而遠稱大子者若言為  
君時事嫌為君隱惡或疑已在君位矯情為善舍其  
當時近事遠稱大子少小者未為君時不須隱蔽以  
示王性自然言其從小如此以明已之至誠無所私  
也禮君前臣名字則貴于名此道名其二卿尊君也  
二卿之名不言字是尊晉君也

注尊晉君也不背本仁也不忘舊信也無私忠也尊君敏也注敏達也仁以接事信以守之忠以成之敏以行之事雖大必濟注言有此四德必能成大事君盍歸之使合晉楚之成公從之重為之禮使歸求成

注為下十二月晉楚結成張本音義

臘孟反

○冬十一

月楚子重自陳伐莒圍渠丘渠丘城惡衆潰奔莒戊申楚入渠丘注月六日莒人囚楚公子平楚人曰勿殺吾歸而俘莒人殺之楚師圍莒莒城亦惡庚申莒

潰注月十八日楚遂入鄆莒無備故也注終巫臣之  
言君子曰恃陋而不備罪之大者也備豫不虞善之  
大者也莒恃其陋而不脩城郭泲辰之間而楚克其  
三都無備也夫注泲辰十二日也音義泲子協反徐  
又音子答反  
夫音疏正義曰泲為周匝也從甲至癸為十日從子  
至亥為十二辰周禮縣治象泲日而斂之謂  
周甲癸十日此言泲辰謂周子亥十二辰故為十二日也詩曰雖有絲麻無棄菅  
蒯雖有姬姜無棄蕉萃凡百君子莫不代匱言備之  
不可以已也注逸詩也姬姜大國之女蕉萃陋賤之

人音義

管古顏反蒯苦怪反蕉在疏正義曰釋草云遙反萃在醉反匱其位反白華野管郭璞

曰管茅屬陸璣毛詩疏曰管似茅滑澤無毛助宜為索漚及曝尤善蒯與管連亦管之類喪服疏屨者傳

曰蒯蒯之菲也可以為屨明助如管竝可代絲麻之乏故云無棄也○秦人白狄伐晉

諸侯貳故也○鄭人圍許示晉不急君也注此秋晉

執鄭伯是則公孫申謀之曰我出師以圍許注示不

畏晉為將改立君者而紓晉使注紓緩也勿亟遣使

詰晉示欲更立君音義

為將竝如字或于偽反非也本或作偽將紓音紓使所吏

反注及下同亟紀力反急也或欺異反數也

晉必歸君注為明年晉侯歸



鄭伯張本○城中城書時也○十二月楚子使公子

辰如晉報鍾儀之使請脩好結成注鍾儀奉晉命歸

故楚報之音義

好呼報反

經十年春衛侯之弟黑背帥師侵鄭

夏四月五卜郊不從乃不郊注無傳卜常祀不郊皆非

禮故書疏

正義曰曲禮論卜筮云旬之外曰遠某日旬之內曰近某日則卜者每旬一卜傳稱啓蟄

而郊則周之三月郊之大期此云五卜者當是三月三卜四月又二卜皆不吉乃止也僖三十一年傳云禮不

卜常祀不應卜而卜以不吉而不郊皆非禮也

五月公會晉侯齊侯宋公衛侯曹伯伐鄭注晉侯太子

州蒲也稱爵見其生代父居位失人子之禮音義

見賢  
遍反

疏

正義曰如傳文知晉侯是太子也漢末有汝南應劭作舊名諱議云昔者周穆王名滿晉厲公名州滿又

有王孫滿是同名不諱則此為州滿或曰州蒲誤耳今定本作蒲傳無譏文知譏其生代父位失人子之禮者傳稱凡在喪公侯曰子父喪代位尚不稱君生代父位譏之必矣傳言立太子以為君若其不譏則不須此傳

是顯其  
譏之意

齊人來媵注無傳媵伯姬也異姓來媵非禮也

丙午晉侯孺卒注六同盟據傳丙午六月七日有日無

月音義

孺乃反

疏

正義曰

孺以宣九年即位十七年盟于

赤棘二年于袁婁五年于

赤棘二年于袁婁五年于

赤棘二年于袁婁五年于

赤棘二年于袁婁五年于

赤棘二年于袁婁五年于

赤棘二年于袁婁五年于

赤棘二年于袁婁五年于

皆魯晉俱在是六同盟也

秋七月公如晉

冬十月

傳十年春晉侯使糴莩如楚注糴莩晉大夫音義

徐糴

徒弔反一音杜教反又士弔反莩扶廢反一音蒲發反又蒲艾反

報大宰子商之使

也注子商楚公子辰使在前年音義

大音泰使所吏反下及注使在

同○衛子叔黑背侵鄭晉命也注晉命衛使侵鄭○

鄭公子班聞叔申之謀注改立君之謀三月子如立

公子縵注子如公子班音義

縵音須

夏四月鄭人殺縵

立髡頑子如奔許注髡頑鄭成公大子音義

髡苦門反頑如

班字徐五反

欒武子曰鄭人立君我執一人焉何益不如

伐鄭而歸其君以求成焉晉侯有疾五月晉立大子

州蒲以為君而會諸侯伐鄭注生立子為君此父不

父子不子經因書晉侯其惡明音義

州蒲本或作州滿

鄭子

罕賂以襄鐘注子罕穆公子襄鐘鄭襄公之廟鐘子

然盟于脩澤子駟為質注子然子駟皆穆公子滎陽

卷縣東有脩武亭音義

質音致卷音權字林立權反如淳漢書同音

辛巳

鄭伯歸注鄭伯歸不書鄭不告入○晉侯夢大厲被

髮及地搏膺而踊曰殺余孫不義注厲鬼也趙氏之

先祖也八年晉侯殺趙同趙括故怒音義搏被皮寄反音博踊

音疏正義曰鬼怒言殺余孫不義必是枉死者之祖也景公即位以來唯有殺趙同趙括故知是趙

氏之先祖趙氏先祖其人非一鬼不自言其名未知誰之鬼世本云公明生趙夙晉語云趙衰趙夙之弟

則括之祖公明是也服虔又以為公明之鬼凡為疫癘之鬼皆妖邪之氣未必真是彼人故杜不復指斥

余得請於帝矣壞大門及寢門而入公懼入于室又

壞戶公覺召桑田巫注桑田晉邑音義

壞音怪下同及寢門一本

無及字覺古孝反

巫言如夢注巫云鬼怒如公所夢公曰何

如曰不食新矣注言公不得及食新麥公疾病求醫

于秦秦伯使醫緩為之注緩醫名為猶治也音義

於醫

其反未至公夢疾為二豎子曰彼良醫也懼傷我焉逃

之其一曰居育之上膏之下若我何注育鬲也心下

為膏音義

懼傷我絕句馬徐於虔反一讀如字屬上句逃之絕句育徐音荒說文云心下鬲上

也鬲正義曰此賈逵之言杜依用之古今傳文皆音革疏以為膏之下賈服何休諸儒等亦皆以為膏

雖凝者為脂釋者為膏其實凝者亦曰膏故內則云小切狼觸膏則此膏謂連心脂膏也劉炫以為釋首

者為膏連心之脂不得稱膏以為膏當為鬲改易傳文而規杜氏非也醫至曰疾不可

為也在盲之上膏之下攻之不可達之不及藥不至

焉不可為也注達針音義攻音工公曰良醫也厚為之

禮而歸之六月丙午晉侯欲麥注周六月今四月麥

始熟使甸人獻麥注甸人主為公田者音義甸徒饋

人為之召桑田巫示而殺之將食張如廁陷而卒注

張腹滿也音義

饋其媿反為如字  
張中亮反注同

小臣有晨夢負公

以登天及日中負晉侯出諸廁遂以為殉注傳言巫

以明術見殺小臣以言夢自禍○鄭伯討立君者戊

申殺叔申叔禽注叔禽叔申弟疏

正義曰此無文也  
以禽與申俱死當

是坐其兄弟  
知是弟也

君子曰忠為令德非其人猶不可況不

令乎注言申叔為忠不得其人還害身疏

正義曰言  
申叔忠誠

為此令善之德施之於鄭伯施非得其善人猶尚不  
可何況不有令德者乎言令德者往年公孫申曰我

出師以圍許為將改立君者  
而紆晉使晉必歸君是也

○秋公如晉注親弔非



禮晉人止公使送葬於是糴棧未反注是春晉使糴棧至楚結成晉謂魯貳於楚故留公須糴棧還驗其虛實冬葬晉景公公送葬諸侯莫在魯人辱之故不書諱之也注諱不書晉葬也

春秋左傳注疏卷二十六

春秋左氏傳注疏卷二十六考證

丙午及荀庚盟丁未及孫良夫盟○孫復曰此公及荀  
庚孫良夫盟也不言公者二子伉也林堯叟曰聘而  
遂盟始於此

傳討邲之役也○趙汭補注曰晉自邲戰後失鄭故傳  
自其始叛言之

傳於是荀首佐中軍矣○臣召南按自宣公十七年士  
會請老郤克為政荀首即已佐中軍是以成二年傳

巫臣對楚王曰知罃之父新佐中軍不始于此年也  
傳追敘於此年耳

傳中行伯之於晉也其位在三○林堯叟曰中行伯即  
荀庚以荀林父為晉中行因以為氏故亦謂中行伯  
臣召南按晉三軍將佐皆卿也時荀庚將上軍故云

位在三以下文大國卿有上中下言之正應是中卿  
耳杜注言是下卿孔疏言第三猶為下卿則其餘皆  
下卿然則晉六卿惟中軍將為上卿其中軍佐即中

卿乎

傳齊侯朝于晉將授玉疏竊原馬遷之意所以有此說者當讀此傳將授玉以為將授王遂飾成為此謬辭耳○臣召南按司馬遷必因上傳有晉作六軍之文又誤讀此授玉為授王也

傳士燮佐上軍○林堯叟曰荀庚將上軍不出故佐獨行臣浩按晉軍或全出或半行韋之戰三軍俱出而將佐半行此役則中軍將佐全出而上軍惟其佐獨

行下軍全不出也

傳取汜祭䟽滎陽中牟縣○滎監本訛作熒今改正

立武宮○公羊傳曰武公之宮也啖助曰左傳以為武  
軍之宮非也若然煬宮復何謂乎劉敞曰魯僭天子  
之禮學者習于魯更張而大之曰魯公之廟文世室  
也武公之廟武世室也人之迷固久矣萬斯大曰據  
昭十五年經書有事于武宮則公羊說是蓋牽戰時  
禱于武公而得勝故立其宮也魯人不知其非禮且

擬之于魯公之廟而稱為世室明堂位遂亦侈言之  
武公之廟在懿孝為禰至閔公則親盡而毀矣閔公  
至今八十年中斷者三世一旦忽然更立于世字之  
義何居

傳季文子以鞏之功立武宮○臣召南按左傳亦不謂  
立武軍杜氏傳會宣十二年傳有潘黨勸楚子立武  
軍之文遂據為說耳服虔曰鞏之戰禱武公以求勝  
故立其宮解傳極當孔氏必護杜注而駁服義何邪

傳下文言不可以立武及立武由己皆言誇耀戰功之非非謂立武軍也

傳楚公子申公子成以申息之師救蔡○趙汭補注曰楚以申息為經營中國之本故三軍二廣不常出而大抵用申息之師僖二十五年以申息之師戍商密二十六年申公叔侯戍齊文九年息公子朱伐陳成六年以申息之師救蔡昔宣王之世申伯實以王舅為南國之屏翰所以干城王室秦漢之際南陽為要



地故楚有圖北方之志其君多居于申大合諸侯亦在焉

吳伐郟○林堯叟曰吳始見經吳始入伐中國

傳是以始大通吳於上國○趙汭補注林氏曰楚人禦吳以江故用舟師吳人撓楚以淮故用車戰吳自徐伐巢淮西也入州來淮北也吳楚爭淮自此始自鷄父之師一敗而吳得州來滅巢及鍾離矣是則亡郟始于失淮

八年秋七月天子使召伯來賜公命注八年乃來緩也  
○臣召南按成公即位已八年未嘗一至京師朝天  
子杜氏乃以天子賜命為緩乎孔疏謂不宜譏天子  
賜緩是也

傳夏宋公使公孫壽來納幣禮也○趙汭補注曰說者  
疑昏禮不當使公子公孫非也國君臣諸父昆弟同  
姓之卿與異姓之卿何異如魯鄭卿皆同姓當使何  
人

傳三代之令王昏數百年保天之祿疏比趙同趙括嗣  
祖父之天祿○監本訛作比趙同趙括謂天祿之祖  
父遂不可解今改正

傳晉人殺之非禮也注明殺行人例○趙汭補注曰殺  
行人非卿例不書此為兵交發義

傳對曰冷人也疏呂氏春秋稱皇帝使伶倫自大夏之  
西崑崙之陰○臣召南按呂氏春秋本文作阮隃之

陰漢志乃作崑崙之陰

傳詩曰雖有絲麻疏肋宜為索又云明肋如管○臣浩

按爾雅注兩肋字俱宜作鞞言堅鞞也

公會晉侯齊侯宋公衛侯曹伯伐鄭疏周穆王名滿晉  
厲公名州滿○滿監本俱訛作蒲今改正